

四庫全書

經部

欽定四庫全書

經部

周禮注疏卷三十一

詳校官監察御史_臣祝德麟

刑部郎中_臣許兆椿覆勘

覆校官庶吉士_臣侍朝

校對官中書_臣王慶長

謄錄監生_臣劉家瑛

欽定四庫全書

周禮注疏卷三十一

漢鄭氏注 唐陸德明音義 賈公彥疏

夏官司馬下

司士掌羣臣之版以治其政令歲登下其損益之數辨
其年歲與其貴賤周知邦國都家縣鄙之數卿大夫士
庶子之數注損益謂用功過黜陟者縣鄙鄉遂之屬故
書版爲班鄭司農云班書或爲版版名籍音義

版音疏
板

釋曰云掌羣臣之版者謂畿內朝廷及鄉遂都鄙羣臣名籍云以治其政令者即損益之數辨其年歲貴賤之等是也云歲登下其損益之數者三年黜陟者是也云辨其年歲者知羣臣在任及年齒多少也云與其貴賤者大夫已上貴士已下賤也云周知邦國都家者邦國謂周之千七百七十三國也都家謂天子畿內三等采地大都小都家邑是也先邦國後都家者尊諸侯故也亦如大宰云布治于邦國都鄙亦先邦國也縣鄙者謂去王國百里外六遂之中也不言六鄉者舉遠以包近云卿大夫士者即謂朝廷及邦國都家縣鄙之臣數總言之也云士庶子者亦如宮伯卿大夫之子謂適子庶子其支庶宿衛王宮者也云之數者邦國以下總結之也注釋曰云損益謂用功過黜陟者即三年大比以功過黜陟者也云縣鄙鄉遂之屬者縣鄙屬遂故云之屬其中兼鄉中之州以詔王治注告王所當進退音義黨故鄉遂竝言也

直治

吏反下注疏

注釋曰知詔王治是告王所當進退者司治處同

士掌羣臣之數只爲賞罰進退以勗勵之

故知告王治唯以德詔爵以功詔祿以能詔事以久奠

謂進退之也

食注德謂賢者食稍食也賢者既爵乃祿之能者事成

乃食之王制曰司馬辨論官材論進士之賢者以告於

王而定其論論定然後官之任官然後爵之位定然後

祿之音義

奠音定乃食音嗣其論魯疏釋曰云以德詔

頓反下同又如字任音壬據賢者試功之後其德堪用乃詔王授之以正爵有功

乃詔王授之以正祿也云以能詔事以久奠食者奠定

也據能者先試之以事事成乃定以稍食其能堪用乃

後亦詔授之以正爵祿注釋曰云德謂賢者即大司徒

云以鄉三物教萬民而賓興之三物謂六德六行六藝
有六德六行即爲賢者有六藝即爲能者鄉大夫云三
年則大比而興賢者能者鄭云賢者有德行者能者有
道藝者云食稍食也者月給食不併給故云稍食也云
賢者既爵乃祿之者以經先云以德詔爵後云詔祿也
云能者事成乃食之者以經先云詔事久乃定之以食
也此二者互見其事自古以事任之者皆試乃爵之則
賢者有先試之以事乃後詔爵能者既試有功亦授之
以爵所以賢者先言正爵能者先言試事者欲見尊敬
賢者故先言正爵卑退能者故先言試事故云賢者既
爵乃祿之能者事成乃食之也引王制者欲見能者須
試乃授正爵之義云辨論官材者司馬使司士分辨其
論官其材之濃云論進士之賢者以告於王而定其論
者進士謂學中之造士業成可進受官爵升之於司馬
則曰進士司馬乃試論量考知賢者告王乃定其論云
論定然後官之者謂試官也云任官然後爵之者謂正

爵也云位定然後祿之者謂正祿也此即先試乃爵之事也

惟賜無常注賜多少由

王不如祿食有常品疏

注釋曰按司勳云凡賞無常輕重視功彼謂有勳勞據功大小

與之賞此不據功但時王有恩而賜之故多少由王不由功大小也云不如祿食有常品者按王制下士視上農夫食九人中士倍下士上士倍中士大夫倍上士之等是祿有常品上云以久奠食稍食亦月月有常品也

正朝儀之位辨其貴賤之等王南鄉三公北面東上孤

東面北上卿大夫西面北上王族故士虎士在路門之

右南面東上大僕大右大僕從者在路門之左南面西

上注此王日視朝事於路門外之位王族故士故爲士

晚退留宿衛者未嘗仕雖同族不得在王宮大右司右

也大僕從者小臣祭僕御僕隸僕音義

正朝直遙反注下皆同後內朝

外朝朝聘朝覲視朝朝位之類倣此以意求之鄉疏釋

許亮反下注同大音泰下倣此宿音風劉息就反

經所云上者皆據近王爲上不據陰陽左右也注釋曰

云此王日視朝事於路門外之位者對彼大僕職路寢

庭有燕朝朝士職庫門外有外朝而言也但彼外朝斷

獄弊訟并三詢之朝有諸侯在焉諸侯既在西方右九

棘之下孤避之在東方羣臣之位西面也其餘三公卿

大夫等仍與此位同也云王族故士故爲士者此云故

爲士對新升試士未得正爵者爲新士不得留宿衛也

云晚退留宿衛者宿衛之人皆不得與凡平羣臣同時

出故云晚退留宿衛者必知此故士是宿衛者以其與虎

士同位明是宿衛者也云未嘗仕雖同族不得在王宮

者以經稱王族故士明非仕者不得在王宮也知大右是司右者按司右掌羣右此云大右是右中之大明是司右也知大僕從是小臣祭僕之等者以其云大僕從者謂從大僕按大僕職下即有小臣祭僕御僕隸僕等皆是小臣以下者也

司士擯注詔王出揖公卿大夫以下朝者音

義擯必疏

注釋曰知擯是詔王出揖公卿大夫以下朝者以其王迎諸侯爲擯是大宗伯及小行人

肆師之等非司士之職此文云公卿大夫士等朝事下文云王揖此中間云司士擯明爲詔王出揖之事也

孤卿特揖大夫以其等旅揖士旁三揖王還揖門左揖

門右注特揖一一揖之旅衆也大夫爵同者衆揖之公

及孤卿大夫始入門右皆北面東上王揖之乃就位羣

士及故士大僕之屬發在其位羣士位東面王西南鄉而揖之三揖者士有上中下王揖之皆逡遁既復位鄭

司農云卿大夫士皆君之所揖禮春秋傳所謂三揖在

下音義

逡七巡反
遁音廵

疏

注釋曰此皆先入應門右北面其士入應門即就西方東面位不待

王揖其大夫已上皆待王揖乃就位也云特揖一一揖之者對旅揖衆揖之也孤得揖乃就西方東面位卿得揖乃就東方西面位大夫得揖乃就卿後西面位云大夫爵同者衆揖之者序官有中大夫下大夫無問多少但爵同者衆揖之爵同中大夫同得一揖爵同下大夫同得一揖故云爵同者衆揖之也云公及孤卿大夫始入門右皆北面東上者此王臣無正文約燕禮大射諸侯禮卿大夫皆始入門右北面東上得揖乃就位士發

在其位故知王臣亦然是以鄭云王揖之乃就位羣士及故士大僕之屬發在其位若在外朝士從東方西面也云羣士位東面王西南鄉而揖之者但上經不見羣士位鄭知羣士位東面者亦約燕禮大射諸侯之士西廂東面而知且約故士虎士宿衛者門西南面明士不宿衛者東面可知位既東面明知旁三揖者西南鄉揖之云三揖者士有上中下者序官文既有三等故旁三揖耳按禮器有以少為貴者諸侯視朝大夫特士旅之此云大夫旅與彼不同者彼諸侯臣少大夫與卿同特揖士乃旅揖之此天子臣多故大夫亦旅揖亦是以少為貴也云王揖之皆遠遁者約鄉黨而知云既復位者謂得揖乃皆復位也若然上文別三公位及此經不言三公直言孤卿者亦舉輕以明重孤卿尚特揖明三公亦特揖可知故不見三公也先鄭引春秋者哀二年左氏傳初衛侯遊於郊子南僕公曰余無子將立女不對他日又謂之對曰郕不足以辱社稷君其改圖君夫人

在堂三揖在下君命祇辱注云三揖大僕前注前正王卿大夫士引之者證所揖尊卑不同

視朝之位疏

注釋曰鄭知前謂前正王視朝之位者以大僕職云王視朝則前正位而退入亦如

之上文引大僕位在門左南面今云前明從本位前就王正視朝之位可知也王入內朝皆退

注王入入路門也王入路門內朝朝者皆退反其官府

治處也王之外朝則朝士掌馬玉藻曰朝服以日視朝

於內朝朝辨色始入君日出而視之退適路寢聽政使

人視大夫大夫退然後適小寢謂諸侯也王日視朝皮

弁服其禮則同疏

注釋曰王視朝訖王入路門於路寢聽事其羣臣等各退向治事之處云

王之外朝則朝士掌焉者鄭欲見天子諸侯皆有三朝之意玉藻諸侯禮云朝於內朝者謂路門外朝為內朝對臯門內應門外朝為外朝通路寢庭朝為三朝故朝士職注云周天子諸侯皆三朝外朝一內朝二也云王日視朝皮弁服者司服職文對諸侯視朝朝服則玄冠緇布衣素裳緇帶素韠也云其禮則同者天子諸侯惟服別其視朝掌國中之士治凡其戒令注國中城中疏之禮則同也

注釋曰云國中之士治者謂朝廷之臣及六鄉之臣皆是所有治功善惡皆掌之以擬黜陟此城中士則卿大夫總皆號為士若濟濟多士文王以寧之類但比同士士既總屬則此一職士者皆臣總號惟有作士適四方使為介士者是單士不兼卿大夫故引石尚證又作六軍之士是甲士其餘皆臣之總號耳

掌擯士

者膳其摯注擯士告見初為士者於王也鄭司農云膳

其摯者王食其所執羔鴈之摯玄謂膳者入於王之膳

人音義

見賢遍反食如字劉音嗣

疏

注釋曰此云士亦是卿大夫士總號為士云擯士告見初為士

者於王也者謂初得命為卿大夫士執摯見於王司士擯相之使得見王也先鄭云膳其摯者王食其所執羔鴈之摯後鄭增成其義也云膳者入於王之膳人故其職云凡祭祀致福受而膳之以摯見者亦如之是也

凡祭祀掌士之戒令詔相其灋事及賜爵呼昭穆而進

之注賜爵神惠及下也此所賜王之子姓兄弟祭統曰

凡賜爵昭為一穆為一昭與昭齒穆與穆齒凡羣有司

皆以齒此之謂長幼有序音義

相息亮反昭上招疏釋反後同長丁丈反

疏釋曰

云凡祭祀掌士之戒令者謂羣臣有事於祭祀皆掌其齊戒告令也云詔相其法事者謂告語并擯相其行禮之事云及賜爵者謂祭未旅酬無算爵之時皆有酒爵賜及之皆以昭穆為序也注釋曰鄭知賜爵神惠及下者祭統云祭有十倫之義凡賜爵昭為一穆為一神惠及下也云此所賜王之子姓兄弟者以其呼昭穆而進之云昭穆明非異姓是同姓可知姓生也子之所生則孫及兄弟皆有昭穆引祭統是諸侯濫明天子亦然凡言昭穆在助祭之中者皆在東階之前南陳假令祖行為昭子行為穆孫行還為昭曾孫行還為穆就昭穆之中皆年長者在上年幼者在下故云齒也

帥其屬而割牲羞俎豆注割牲

制體也羞進也

疏

釋曰此割牲兼羞俎豆不言祭祀享食之事則凡有割牲及進俎豆者皆

為之注釋曰言割牲制體也者若據祭祀則禮運云腥其俎孰其殷體其犬豕牛羊之類鄭彼注云腥其俎謂

豚解而腥之為七體是也孰其穀謂體解而爛之為二十一體是也體其犬豕牛羊鄭云謂分別骨肉之貴賤以為衆俎也更破使多熟而薦之苦據饗則左氏傳云王饗有體薦燕有折俎是也凡會同作士

從賓客亦如之注作士從謂可使從於王者音義從才用反

注并諸子職同疏注釋曰云作士從者謂選可使從於王者此士亦謂卿大夫皆是也作士適四

方使為介注士使謂自以王命使也介大夫之介也春

秋傳曰天王使石尚來歸朕音義使色吏反又如字注士使命使同介音戒

張上疏注釋曰云士使謂自以王命使也者此即行夫軫反職云美惡而無禮者即有使士特使濫即使士

與行夫等共行是以引石尚之事為證云介大夫之介也者謂聘禮大夫為次介其餘皆士介天子使大夫下

聘諸侯亦使士為介若使卿大夫則射人作之故射人云有大賓客作卿大夫從注云作者使從王見諸侯彼雖不云會同明會同亦與賓客同可知也春秋者左氏公羊皆有其事故公羊云石尚者何天子之士也注云天子上士以大喪作士掌事注事謂奠斂之屬音義名氏通是也

大喪作士掌事注事謂奠斂之屬音義

力斂

豔疏

注釋曰始死則有奠及至小斂大斂朝夕朔月月

反半薦新遷廟祖奠大遣奠等皆是未奠已前無尸不忍異於生皆稱奠奠後反日中而虞有尸即謂之為祭此經直云事不云祭祀明據奠斂之屬也

作六

軍之士執披注作謂使之也披柩車行所以披持棺者

有紐以結之謂之戴鄭司農云披者扶持棺險者也天子旁十二諸侯旁八大夫六士四立謂結披必當棺束

於束繫紐天子諸侯戴柩三束大夫士二束喪大記曰
君纁披六大夫披四前纁後玄士二披用纁人君禮文

欲其數多圍數兩旁言六耳其實旁三音義

披方寄反注同疏

注釋曰云六軍之士者即六鄉之民以其鄉出一軍六鄉故名六軍之士也但鄭以天子千人而云六軍者以天子千人出自六軍故號六軍之士非謂執披有七萬五千人也云披柩車行所以披持棺者柩車則蜃車云披者車兩旁使人持之若四馬六轡然故名持棺者為披也云有紐以結之謂之戴者喪大記云纁戴者是也先鄭云披者扶持棺險者也者先鄭意蜃車行恐逢道險者有傾覆故云扶持棺險也云天子旁十二諸侯旁八大夫六士四者無所依據後鄭不從玄謂結披必當棺束於束繫紐者謂蜃車兩旁皆有柳材其棺皆以物

東之故云天子諸侯戴柩三東大夫士二東彼喪大記不言天子此言者欲見天子無文約與諸侯同也謂之戴者彼大記注云戴之言值也所以連繫棺束與柳材使相值因而結前後披也披結於紐故引喪大記君纁披六已下其蜃車柳材與中央棺束數等人君三大夫士二大記云君纁披六大夫四披者皆是禮文故圍數兩旁言六言四也士禮小無文故據一旁而言二若然大夫亦圍數兩旁言四直云人君者據尊者而言也

凡士之有守者令哭無去守注守官不可空也音義

劉守

手又反疏釋曰此文承大喪之下令哭無去守則大夫下皆同疏士有使役當守雖同爲天子斬衰不可廢事空官故令哭不得去守也國有故則致士而頒其守注故非喪則兵

災疏

注釋曰知非喪者以上文已言大喪明此是兵災非喪也

凡邦國三歲則稽士

任而進退其爵祿注任其所掌治疏

釋曰此言稽士任文承邦國即是邦

國之卿大夫士總曰士也據其所任治而進退其爵祿但諸侯之臣進退應是諸侯當國爲之今於天子司士而言者但司士作灋與之使諸侯自黜陟耳非謂司士自黜陟也

諸子掌國子之倅掌其戒令與其教治辨其等正其位

注故書倅爲卒鄭司農云卒讀如物有副倅之倅國子

謂諸侯卿大夫士之子也燕義曰古者周天子之官有

庶子官與周官諸子職同文立謂四民之業而士者亦

世焉國子者是公卿大夫士之副貳戒令致於大子之

事教治修德學道也位朝位音義

倅七內反治直吏反注同大子音泰下注

同疏

釋曰云掌國子之倅者倅謂副代父者也注釋曰先鄭云國子謂諸侯卿大夫士

之子也者王制云王太子王子羣后之太子卿大夫元士之適子皆造焉則王太子王子亦曰國子不言者彼不據諸子職而言故含有王太子王子亦以四術成之故文王世子成王猶在學學君臣父子長幼之禮也此據諸子主國子致與天子使用故不得通王太子王子也引燕義云古者周天子之官有庶子官與周官諸子職同文者彼燕義本釋燕禮之事但燕禮有庶子執燭及獻庶子之文更不見餘義故記人欲釋燕禮庶子之義故取天子諸子職解庶子諸庶俱訓爲衆天子之諸子諸侯之庶子皆掌卿大夫士之適子適子衆多故云諸或言庶諸庶通名故天子諸子爲庶子也玄謂四民之業而士者亦世焉者此齊語桓公謂管仲曰成民之

事若何管仲對曰民無使雜處公曰處士農工商若何管仲曰昔者聖王之處士就閑燕處工就官府處商就市井處農就田野少而習焉其心安焉士之子恒爲士農之子恒爲農工之子恒爲工商之子恒爲商是四民之業爲世也引之者見士之子亦入倅中也按王制大夫不世今亦有倅入世者以大夫有功德亦得世故詩云凡周之士不顯亦世也云國子者是公卿大夫士之副貳者增成先鄭義云戒令致於大子之事者即下文是也云教治修德學道也者云教故知修德學道也經云辨其等謂才藝高下等級也國子所學道德即師氏職三德三行并保氏六藝者是也云位朝位者謂朝大子時依父蔭高下爲列也

國有大事則

帥國子而致於大子惟所用之若有兵甲之事則授之車甲合其卒伍置其有司以軍灋治之司馬弗正注軍

灋百人爲卒五人爲伍弗不也國子屬太子司馬雖有

軍事不賦之音義

卒子忽反前後注及下疏釋曰云大

甲之事則此大事謂祭祀也故左氏傳云國之大事在祀與戎此經二事當之也注釋曰軍灋從五人爲伍至

萬二千五百人爲軍有六節今注直云百人與五人略舉之耳云不賦之解經正爲賦稅謂不賦田稅泉稅者

也凡國正弗及疏

釋曰上文云弗正謂兵賦此云國正謂鄉遂之中所有甸徒力征之等並

不及大祭祀正六牲之體注正謂牝載之疏

注釋曰按特牲少牢

移鼎入陳即有一人鼎中七出牲體一人在鼎西北面載之於俎既言正六牲之體明是此二事也凡樂

事正舞位授舞器注位佾處疏

釋曰云凡樂事者則諸作樂有舞之處皆使正

舞人八八六十四人之位併授舞者之器文舞則授羽
籥武舞授干鉞之等注釋曰云位侑處者即謂天子八
佾諸公六佾諸侯四佾之等也大喪正羣子之服位會同賓客作羣子

從注從於王疏

釋曰云大喪正羣子之服位者位謂在
殯宮外內哭位也正其服者公卿大夫

之子爲王斬衰與父同故雜記大夫之子得行大夫禮
是也云會同賓客作羣子從者作使也使國子從王也

凡國之政事國子存遊倅使之脩德學道春合諸學秋
合諸射以攷其藝而進退之注遊倅倅之未仕者學太
學也射射宮也王制曰春秋教以禮樂冬夏教以詩書
王太子王子羣后之太子卿大夫元士之適子國之俊

選皆造焉音義

通歷反

疏

釋曰

云凡國之政事者謂國內

遊倅使之脩德學道者謂國有事時此國子存遊暇無事之倅中使脩德學道二事也云春合諸學者謂於大學之中使之學也云秋合諸射者使在射宮習射也云以考其藝者考校才藝長短云而進退之者才藝長進與官爵才藝短者退之使更服膺受業也注釋曰倅是副代已是未仕復云遊遊是遊暇亦是未仕之稱云學大學也者周禮若言異代之學則舉其學名即成均瞽宗之類今此直言學明是周之大學也周禮文大學在國中即夏后氏東序在王宮之左也云射射宮也者射義云已射於澤然後射於射宮射宮即國之小學在西郊則虞庠是也王制曰春秋教以禮樂冬夏教以詩書者按彼鄭注云春夏陽也詩樂者聲聲亦陽也秋冬陰也書禮者事事亦陰也因時順氣於功易成也云王

皆造焉者若王之子得適庶俱在學若羣后畿內諸侯已下則庶子賤不得在學故皆云適子也引之者證貴賤皆在教科也

司右掌羣右之政令注羣右戎右齊右道右音義

齊側皆反

疏

注釋曰知司右主此三右者按下文云車有五等右惟三故下注云齊右兼玉路之右戎右兼田右等也

凡軍旅會同合其車之卒伍而比其乘屬其右注合比

屬謂次第相安習也車亦有卒伍音義

比毗志反注同乘繩證反屬音

燭注

疏

釋曰云軍旅據征伐會同謂時見曰會殷見曰同三者皆合車之卒伍注釋曰云合比屬謂次

第相安習也者皆謂教習使安穩也云車亦有卒伍者按宣十二年傳云其君之戎分爲二廣廣有一卒卒偏

之兩司馬灋曰二十五乘爲偏又云以百二十五乘爲伍注伍重故百二十五乘是其車之卒伍也凡國

之勇力之士能用五兵者屬焉掌其政令注勇力之士

屬焉者選右當於中司馬灋曰弓矢圍受矛守戈戟助

凡五兵長以衛短短以救長音義

受音殊

疏

注釋曰云勇力之士屬焉

者選右當於中者但車右須得勇力之士若選右不於中何因屬司右故鄭爲此釋也引司馬灋曰弓矢圍者圍城時也受矛守者守城時也戈戟助者謂圍守皆用戈戟助之云凡五兵長以衛短短以救長者圍者以弓矢爲長戈戟爲短守者亦以戈戟爲短以受矛爲長故云長以衛短短以救長使力相得也此五兵據勇力之士所用下注車之五兵則無弓矢而有夷矛是也

虎賁氏掌先後王而趨以卒伍注王出將虎賁士居前

後雖羣行亦有局分音義

賁音奔劉方問反先惡薦反後戶豆反又皆如字將子匠

反分扶問反

疏

釋曰鄭云王出將虎賁士居前後雖羣行亦有局分者以經云卒伍則是五人爲伍百人

爲卒又按序官云虎賁氏下大夫二人中士十有二人府二人史八人胥八十人虎士八百人是其雖羣行亦有局分置卒伍是也軍旅會同亦如之舍則守王閑注舍王出所

止宿處閑挫桓音義

挫薄禮反疏注釋曰鄭云舍王出桓戶故反疏所止宿處者按掌舍

云掌王之會同之舍則設挫桓再重杜子春以爲行馬後鄭云行馬再重者以周衛有外內列校人職養馬曰閑是其閑與挫桓皆禁衛之物故以閑爲挫桓釋之也王在國則守王宮注爲周

衛疏

注釋曰在外守王閭爲周衛明在國亦爲周衛也

國有大故則守王門大

喪亦如之注非常之難要在門音義

難乃反疏注釋曰大且反故謂兵災

大喪謂王喪二者皆是非常之難須警備故云要在門也及葬從遣車而哭注遣車

王之魂魄所馮依音義

從才用反下并節服氏從車從尸車同馮皮氷反

疏注

曰遣車者將葬盛所苞奠遣送者之車其車內既皆有牲體故云王之魂魄所馮依遣車多少之數天子無文

按雜記云遣車視牢具鄭注云多少各如所苞遣奠牲體之數按檀弓云國君七個遣車七乘大夫五个遣車

五乘鄭云諸侯不以命數喪數略也士無遣車大夫五乘諸侯七乘天子宜九乘故鄭注雜記云天子大牢苞

九个遣車九乘苞肉皆取大遣奠之牲體天子大牢外更用馬牲皆前脰折取臂臠後脰折取脰苞肉各九个

欽定四庫全書

卷一百一

周禮注疏

十四

皆細分其體
以充數也

適四方使則從士大夫注虎士從使者音

義

使所吏反注及下同

疏

釋曰天子有下聘諸侯瀘大行人所云歲徧問之等時則使虎賁從行也

若

道路不通有徵事則奉書以使於四方注不通逢兵寇

若泥水奉書徵師役也春秋隱公七年冬戎伐凡伯于

楚丘以歸疏

注釋

曰云奉書徵師役也者若兵寇則徵師若泥水則徵役引春秋者按左氏傳云

初戎往朝周周大夫皆發禮禮戎惟凡伯不禮焉後凡伯至魯戎則要而伐之故云戎伐凡伯於楚丘以歸是其事也

旅賁氏掌執戈盾夾王車而趨左八人右八人車止則

持輪注夾王車者其下士也下士十有六人中士爲之

帥焉音義

盾常準反又音允夾古疏注釋曰知夾王車洽反劉古協反後倣此疏是下士十六人者

見序官云旅賁氏中士二人下士十有六人此經左右十六人故知是旅賁氏之下士也中士是官首明爲之也凡祭祀會同賓客則服而趨注服而趨夾王車趨也

會同賓客王亦齊服服袞冕則此士之齊服服玄端疏

注釋曰知服而趨是夾王車者約上文夾王車而趨故知也云會同賓客王亦齊服服袞冕者見下文節服氏云掌祭祀朝覲袞冕鄭云從王服朝覲服袞冕則會同賓客亦服袞冕故覲禮天子袞冕負黼黻是也云則此士之齊服服玄端者若士助祭服爵弁此爲會同故齊服服玄端喪紀則袞葛執戈盾

注葛葛經武士尚輕音義

哀七雷反

疏

注釋曰臣爲王貴賤皆斬衰斬衰麻經至

葬乃服葛今王始死即服葛故云武士尚輕

軍旅則介而趨注介被甲音義

介音戒被皮僞反

疏

釋曰在軍爲甲士著甲餘者不服甲但此旅賁勇士衛王故被甲而趨也

節服氏掌祭祀朝覲袞冕六人維王之太常注服袞冕

者從王服也維維之以縷王旌十二旒兩兩以縷綴連

旁三人持之禮天子旌曳地鄭司農云維持之疏

注釋曰云

服袞冕者從王服也者以其節服氏者世能節王之衣服明節服所服與王同故云從王服也云維維之以縷者以其言維維是連綴之名故知用縷連綴之也云王旌十二旒者巾車云玉路建大常十有二旒經云六人

維之明一畔有三人三人維六旒故知兩兩以纓連旁
三人持之云禮天子旌曳地者禮緯文引之者若不遺
維持之則旒諸侯則四人其服亦如之郊祀裘冕二人
曳地故也

執戈送逆尸從車注裘冕者亦從尸服也裘大裘也凡

尸服卒者之上服從車從尸車送逆之往來春秋傳曰

晉祀夏郊董伯爲尸疏

釋曰依禮緯含文嘉云天子旌九仞十二旒曳地諸侯七仞九

旒齊軫大夫五仞五旒齊較士三仞三旒齊首彼或異代灋故旒不依命數周之諸侯之旌皆交龍爲之上公九旒侯伯則七旒子男則五旒今總云四人則不得兩兩維之但一畔有二人分而維之見威儀耳云其服亦如之者節服氏之服亦與諸侯同諸侯惟二王後與魯得祭天服袞冕其餘諸侯惟得祭宗廟服玄冕節服氏

皆與君同服故云其服亦如之注釋曰尸服與王同大
裘節服氏亦大裘故二人皆裘寬執戈送逆尸云從車
者送逆皆從尸車後云凡尸服卒者之上服者按士虞
記云尸服卒者之上服注云上服如特牲士玄端也不
以爵弁服爲上者祭於君之服非所以自配鬼神彼據
臣卒者上服以家祭上服不得用助祭服此據王自然
用卒者家祭上服服大裘也
引春秋傳者是外傳晉語文

方相氏掌蒙熊皮黃金四目玄衣朱裳執戈揚盾帥百
隸而時難以索室毆疫注蒙冒也冒熊皮者以驚毆疫
癘之鬼如今魃頭也時難四時作方相氏以難卻凶惡
也月令季冬命國難索廋也音義難乃多反注同毆
起俱反魃音欺疏

注釋曰云時儻四時者按月令惟有三時儻是以月令
季春云命國儻以季春日歷大梁有大陵積尸之氣與
民爲厲命有國者儻仲秋云天子乃儻時丰建酉亦有
大陵積尸之氣此月儻陽氣陽氣至此不止害將及人
惟天子得儻諸侯亦不得季冬云乃命有司大儻言大
則及民庶亦儻惟有此三時儻鄭云四時者雖三時亦
得云四時總言之也若然此經所儻據十二月大儻而
言是以鄭引季冬爲證也鄉黨鄉人儻郊特牲云鄉人
楊亦皆據十二月
民庶得儻而言也
大喪先匱注葬使之道音義先悉薦
反匱音
拒道音疏釋曰喪所多有凶
導下同邪故使之導也
及墓入壙以戈擊四隅毆

方良注壙穿地中也方良罔兩也天子之梓柏黃腸爲

裏而表以石馬國語曰木石之怪夔罔兩音義

壙苦晃
反又音

曠方音岡良音兩注同疏注釋曰必破方良爲罔兩者又竝如字變求龜反入曠無取於方良之義故也

云天子之梓柏黃腸爲裏而表以石馬者欲見有罔兩之義故引漢灋爲證又檀弓云天子柏梓以端長六尺言梓柏則亦取柏之心黃腸爲梓之裏故漢依而用之而表之以石古雖無言漢亦依古而來蓋周時亦表以石故有罔兩也云國語者按國語水之怪龍罔象木石之怪夔罔兩則知方良當爲罔兩也

大僕掌正王之服位出入王之大命注服王舉動所當

衣也位立處也出大命王之教也入大命羣臣所奏行

疏注釋曰云服王舉動所當衣也者謂王吉服有九隨事舉動而衣大僕親近王所之官故王之衣服及位

處恐其不正故皆正之也云位立處也者王之起居無常或起居行事之時多以立爲正故以立處言之也云

出大命王之教也者一日萬幾有其出者皆是王之教也云入大命羣臣奏行者謂羣臣奉行王命報奏者皆是也

掌諸侯之復逆注鄭司農云復謂奏事也逆謂受下

奏疏

注釋曰按宰夫職云諸臣之復萬民之逆先鄭云復請也逆迎受王命者玄謂復之言報也反也反

報於王謂朝廷奏事自下而上曰逆逆謂上書先鄭彼注與此不同者先鄭兩解故彼後鄭不從至此注先鄭於義是故後鄭從之此說先鄭云復謂奏事即彼後鄭云復謂朝廷奏事一也此先鄭云逆謂受下奏即彼後鄭云自下而上曰逆謂上書亦一也

王眡朝則前正位而退入亦如之注

前正位而退道王王既立退居路門左待朝畢疏

注釋曰云

前正位而退道王王既立退居路門之左待朝畢者此即上司士所云大僕前亦一也大僕本位在路門之左

今進前正位訖還退在本位故云退居路門左也云待朝畢者欲入亦如之王退入路寢聽事時亦前正王位却位也建路鼓于大寢之門外而掌其政注大寢路寢也

其門外則內朝之中如今宮殿端門下矣政鼓節與早

晏疏

注釋曰此鼓所用或擊之以聲早晏或有窮遽者擊之以聲寃枉也故建之於正朝之所也云大寢

路寢也者欲見在路寢門外正朝之處云其門外則內朝之中者按玉藻云視朝於內朝羣臣辨色始入彼諸侯禮天子亦然若據大王世子亦得謂之外朝故文王世子云其朝於公內朝臣有貴者以齒其在外朝則以官彼以路門外爲外朝者對路寢庭朝爲外朝其實彼外朝亦內朝耳以其天子諸侯皆內朝二外朝一既以三槐九棘朝爲外朝也以待達窮者與遽令聞鼓聲則明此內二者皆內朝也

速逆御僕與御庶子注鄭司農云窮謂窮寃失職則來擊此鼓以達於王若今時上變事擊鼓矣遽傳也若今時驛馬軍書當急聞者亦擊此鼓令聞此鼓聲則速逆御僕與御庶子也大僕主令此二官使速逆窮遽者玄謂達窮者謂司寇之屬朝士掌以肺石達窮民聽其辭以告於王遽令郵驛上下程品御僕御庶子直事鼓所者大僕聞鼓聲則速逆此二官當受其事以聞音義遽據反寃於元反上變時掌反傳張繼反下文同急聞如字劉音問肺芳廢反遽令力呈反郵音尤疏釋

云以待者大僕在王所恒於路寢之中若有窮者及遽令二者來擊此鼓其御僕御庶子直在鼓所者則入告大僕大僕迎此二官以所告之事白王故云聞鼓聲則遽逆御庶子也注釋曰先鄭以令字下讀爲句云大僕主令此二官使遽逆窮遽二者後鄭不從者若使御僕御庶子迎窮與遽則二官自白王不告于大僕事何得在大僕職者乎以是故後鄭以爲大僕聽其辭自白王後鄭以達窮是朝士者以其朝士職有在肺石達窮民窮民先在肺石朝士達之乃得擊鼓故本之也知御僕御庶子直事鼓所者見御僕云以序守路鼓云御庶子者蓋以御僕有下士十二人分爲御庶子總名曰御僕也

祭祀賓客喪紀正王之

服位詔灋儀贊王牲事注詔告也牲事殺割七載之屬

疏

注釋曰經三事皆有灋度威儀故須大僕告之云牲事殺割者言殺據祭祀之時王親自射牲故司弓矢

云共王射牲之弓矢注云射牲示親殺殺牲非尊者所
親惟射爲可殺時大僕及射人太宰等皆贊之國語云
禘郊之事天子必親自射牲彼據祭天司弓矢云凡祭
祀言凡語廣則祭社稷宗廟亦射牲也知有割牲者郊
特牲云君肉袒親割敬也注云割解牲體禮器云君親
割牲夫人薦酒注云親割謂進牲熟體時祭統亦云君
執鸞刀羞臠彼據諸侯明天子亦然云七載者按易震
卦象云震驚百里不喪匕鬯注云雷發聲百里者諸侯
之象人君於祭祀之禮七牲薦鬯而已其餘不親彼諸
侯親心明天子亦然是以大僕得有贊牲之事少牢不
親心下人君故也特牲

王出入則自左馭而前驅注前

驅如今道引也道而居左自馭不參乘辟王也亦有車

右馬音義

乘繩證反辟音

疏

注釋曰云王出入者謂朝
覲會同并凡祭祀巡狩征

欽定四庫全書



周禮注疏

二十一

伐皆是大僕則在車左不敢使人馭自馭而前驅也若使人馭馭在中央身無事居左大尊故自馭也知亦有車右者以車右恐車傾覆備非常凡軍旅田役贊王鼓雖無尊者亦宜有車右勇力者也

注王通鼓佐擊其餘面疏

釋曰軍旅謂征伐田役謂田獵王皆親鼓故大僕贊之注

釋曰云王通鼓者謂王親將軍衆待王擊乃擊之謂若鼓人云金鐸通鼓之類也云佐擊其餘面者按大司馬云王執路鼓路鼓四面鼓將居鼓下則前面不得擊之惟有四面擊之此大僕佐擊一面戎右亦云贊王鼓則亦擊一面通王自擊一面是三面也若然王與御者并戎右已有三人今更有大僕則駟乘按文十一年侯叔夏御莊叔綿房甥爲右富父終甥駟救日月亦如之注乘彼注云駟乘四人共車與此同也

日月食時春秋傳曰非日月之青不鼓音義

青色景反疏釋曰

云亦如之者大僕亦贊王鼓佐擊其餘面但日食陰侵陽當與鼓神祀同用雷鼓也若然月食當用靈鼓但春秋記日食不記月者以日食陰侵陽象臣侵君非常故亦擊鼓救可知注釋曰云春秋者左氏莊二十五年日有食之鼓用牲於社彼傳鼓與牲竝譏之云惟正月之朔慆慆未作日有食之於是乎用幣于社伐鼓于朝若然惟四月正陽之月乃擊鼓彼四月不合擊鼓之月天災有幣無牲故亦譏之也彼傳又云秋大水鼓用牲于門亦非常傳曰非日月之眚不鼓若然此言爲秋大水擊鼓而故引之者欲見日月食時皆合擊鼓與此文同也

大喪始崩戒鼓傳達于四

方窆亦如之注戒鼓擊鼓以警衆也故書戒爲駭鄭司農云窆謂葬下棺也春秋傳所謂日中而塤禮記謂之

封皆葬下棺也音相似寔讀如慶封汜祭之汜音義彼寔

驗反注之封音同劉皆通疏釋曰言大喪謂王喪始崩

鄧反塤補鄧反汜芳劍反疏云戒鼓謂擊鼓以警戒衆

人傳達于四方謂以鼓聲相傳聞達四方寔葬之時亦

如始崩也注釋曰引春秋者左氏昭公十二年傳云葬

鄭簡公云毀之則朝而塤不毀則日中而塤禮記謂之

封者喪大記與檀弓皆以下棺爲封字云音相似者字

雖不同皆作寔音云讀如慶封汜祭之汜者慶封齊大

夫有罪來奔魯魯以饗食之祭先遂覆豆以祭謂之汜

祭但彼汜字只取廣汜之義鄭

意讀寔與汜爲音同義則異也縣喪首服之灋于宮門

注首服之灋謂免髻笄總廣狹長短之數縣其書于宮

門示四方音義

縣音懸注同免疏注釋曰鄭知首服之

音問髻莊瓜反灋是免髻笄總廣狹

長短之數者按小宗伯已云縣衰冠之式于路門之外
注云制色宜齊同彼云冠專據男子云衰則兼婦人此
云首服明無衰與男子冠直是婦人首服故知惟有免
髻笄總耳但始死將斬衰者男子笄纓深衣婦人麻髻
并笄總是以喪服斬衰章云女子竹箭笄髻衰三年將
齊衰以下者始死男子免婦人布髻也云廣狹長短者
鄭注禮記云免蓋象冠廣一寸婦人笄齊衰榛木斬衰
箭竹爲之也云縣其書於宮門示四方者小宗伯云縣
于路門此宮

掌三公孤卿之弔勞注王使往音義

勞力報反

門亦路門也

下命勞後疏注釋曰此等皆王合親往今使大僕弔勞皆同疏者或王有故不得親往故使大僕也

王燕

飲則相其瀹注相左右音義

相息亮反注及疏釋曰此下并御僕職同疏燕飲謂

與諸侯燕若公三燕侯伯再燕子男一燕之等或王與羣臣燕之等皆是其瀹有主人酌酒獻賓賓酢主人主

人酬賓洗爵升降之禮皆左
右相助王故云相其禮也
王射則贊弓矢注贊謂授

之受之疏
注釋曰此謂大射也按大射禮云大射正執弓小臣授矢於公既射大射正受弓天子之

禮則大僕授受其禮與彼同必知此禮大射禮者見小
臣職云賓射掌事如大僕之禮則知大射此大僕所掌

者是也其小臣所掌
賓射亦常授受可知
王眡燕朝則正位掌擯相注燕朝

朝於路寢之庭王圖宗人之嘉事則燕朝疏
注釋曰以其路寢安

燕之處則謂之燕朝以其與賓客饗食在廟燕在寢也
但與賓客及臣下燕時亦有朝鄭必以王圖宗人嘉事

爲燕朝者以其因燕而朝賓臣燕禮已有成文圖宗人
嘉事之朝不見故鄭特見之云圖宗人嘉事者謂宗人

冠婚嘉禮之
等皆曰嘉事
王不眡朝則辭於三公及孤卿注辭謂以

王不視朝之意告之春秋傳曰公有疾不視朝疏

注釋曰引

春秋者文十六年公四不視朝時齊有會公辭疾不往遂不視朝故傳曰公有疾不視朝引之者證不視朝亦是故不視之意也

小臣掌王之小命詔相王之小灋儀注小命時事所勅

問也小灋儀趨行拱揖之容疏

注釋曰大僕所云大命及祭祀賓客詔相之者

是大此小臣大僕之佐故掌其小者也云趨行拱揖之容者謂若趨以采齊行以肆夏天子揖同姓之等皆有容儀而掌三公及孤卿之復逆正王之燕服位注謂燕

居時也玉藻曰王卒食玄端而居疏

釋曰諸侯是賓客其復逆大僕尊官

掌之三公孤卿是臣在朝廷故小臣掌也注釋曰云燕服位者謂在路寢中聽事訖適後小寢燕居之時故引玉藻卒食玄端而居爲證彼在路寢中食訖退適燕寢服玄端朱裳而居之

王之燕出入則

前驅注燕出入若今游於諸觀苑音義

觀古疏注釋曰喚反此私燕

出入不要在燕寢中故鄭大祭祀朝覲沃王盥音義

管疏釋曰云大祭祀朝覲沃王盥者大祭祀天地宗廟皆是王將獻尸先盥手洗爵乃酌獻故小臣爲王

沃水盥手也小祭祀賓客饗食賓射掌事如大僕之灋注賓

射與諸侯來朝者射疏

釋曰祭祀云小則賓客饗食皆蒙小字若然饗還爲小賓客者

也小賓客謂諸侯遣臣聘問天子者也賓射對大射亦爲小也注釋曰此云賓射與射人所云諸侯在朝則皆

北面者一也

掌士大夫之弔勞疏

釋曰大僕掌三公孤卿之弔勞注王使往此不言王

使往亦王使往可知

凡大事佐大僕

祭僕掌受命于王以眡祭祀而警戒祭祀有司糾百官

之戒具注謂王有故不親祭也祭祀有司有事於祭祀

者糾謂校錄所當共之牲物疏

注釋曰知此是有故使人祭者觀此上文勢得

知故云受命於王以眡祭祀下既祭帥羣有司反命於王以王命勞之明是王合祭有故使人攝之者也既

祭帥羣有司而反命以王命勞之誅其不敬者大喪復

于小廟注小廟高祖以下也始祖曰太廟春秋僖八年

秋七月禘于太廟疏

釋曰大喪王喪也王生時所有事之處皆復此祭僕復小廟其夏采

復太廟其小寢大寢下隸僕復也注釋曰其二祧不言復亦應此祭僕復但無寢耳引春秋者證魯以周公爲

太廟其餘爲小廟

凡祭祀王之所不與則賜之禽都家亦如之

注鄭司農云王之所不與謂非郊廟尊祭祀則王不與

也則賜之禽公卿自祭其先祖則賜之禽也玄謂王所

不與同姓有先王之廟音義

與音預注同

疏

注釋曰先鄭云王之所不與謂

非郊廟尊祭祀則王不與也後鄭不從者按司服六冕所祭皆王合親爲何有非郊廟王不與者乎故不從之

先鄭以則賜之禽謂卿大夫自祭其先亦賜之禽後鄭不從者卿大夫自祭其先是其常事何有王皆賜之禽

也故以爲同姓有先王廟者若然經都家謂畿內三等采地則文云祭祀是畿外同姓諸侯魯衛之屬者也

凡祭祀致福者展而受之注臣有祭事必致祭肉於君

所謂歸胙也展謂錄視其牲體數體數者太牢則以牛

左肩臂臠折九个少牢則以羊左肩七个特牲則以豕

左肩五个音義

胙存故反臠奴報反字林人于反又疏

注釋曰所謂歸胙者按左氏傳驪姬欲譖申生謂申生曰齊姜欲食使太子祭祭訖歸胙于公姬置藥而饋公

是有歸胙之事也云體數者太牢則以牛左肩臂臠折九个已下竝禮記少儀文凡祭祀周人尚右故右臂皆

祭以左臂致人祭言太牢天子大夫已上少牢謂天子之士彼注云羊豕不言臂臠因牛序之可知言肩臂臠

折九個者則一體折爲三段牲少體不得全自外皆然以人多故也皆用前體者前體貴故先用也

御僕掌羣吏之逆及庶民之復與其弔勞注羣吏府史

以下疏

注釋曰大僕掌諸侯復逆小臣掌三公孤卿復逆此官所云羣吏對庶民是府史以下言以下

兼胥徒若然不見大夫士者小臣孤卿中兼之矣

大祭祀相盥而登注相盥者

謂奉槃授巾與登謂爲王登牲體於俎特牲饋食禮主

人降盥出舉八乃匕載音義

奉芳勇反爲于僞反疏注釋曰上小

云盥明是奉槃授巾以其少特牲尸盥時有奉槃授巾之事故云也以無正文故云與以疑之也云登謂爲王登牲體於俎者以其文承祭祀之事

故云特牲匕載載即登牲體於俎也

大喪持翼注翼

棺飾也持之者夾蜃車音義

翼所甲反蜃辰軫反劉薄忍反疏注釋曰

記注引漢禮翼以木爲匡廣三尺高二尺四寸方兩角高衣以白布畫者畫雲氣謂之畫翼畫之以黼謂之黼

翼之類是也天子用八諸侯用六大夫用四士用二在路夾蜃車兩旁入壙則樹之四旁故云棺飾也掌

王之燕令注燕居時之令疏

注釋曰以御侍近臣故使掌燕居時之令施之於外

也以序守路鼓注序更音義

更音庚

疏

注釋曰此即大僕所云速逆御僕與

御庶子者也序更者即上鄭云直事鼓所者也

隸僕掌五寢之埽除糞洒之事注五寢五廟之寢也周

天子七廟惟祧無寢詩云寢廟繹繹相連貌也前曰廟

後曰寢汜埽曰埽埽席前曰拚洒灑也鄭司農云洒當

爲灑玄謂論語曰子夏之門人當洒埽應對音義

埽素報反

注汜埽洒埽同除如字劉直庶反奠方問反洒所買反劉雷穿反祧敕那反拚方問反本又作拚同灑所買反寄反疏注釋曰知周天子七廟惟祧無寢者此云五寢引詩云寢廟釋者欲見前廟後寢故云相連之貌也按爾雅釋宮云有東西廂曰廟無曰寢寢廟大況是同有廂無廂爲異耳必酒寢者祭在廟薦在寢故立之也按昭十八年鄭從簡兵大蒐于大叔之廟在道南其寢在道北者彼廟不在宮中地臨故廟寢別處也云汜埽曰埽埽席前曰拚者謂埽地遠近之異名又取論語者所以證經埽洒之事也五寢既隸僕

祭祀修寢注於廟

埽除其廟按守祧注守宗伯埽除

祭寢或有事焉月令凡新物先薦寢廟疏

注釋曰祭祀則在廟可知

復云修寢者寢或有事不可不修治之也引月令薦寢廟者欲見寢有事彼薦只在寢不在廟連廟言者欲見是廟之寢非生人之寢故也王行洗乘石注鄭司農云乘石王所登

上車之石也詩云有扁斯石履之卑兮謂上車所登之

石音義

乘如字劉常烝反上時掌反下同扁邊典反

疏

注釋曰引詩者是小雅刺幽王之詩言申

后乘車履石與王同故云有扁斯石履之卑兮謂履之上車與王同故黜之也掌蹕宮中之事

注宮中有事則蹕鄭司農云蹕謂止行者清道若今時

敝蹕音義

蹕音畢敝字又作警音景

疏

注釋曰宮中須警備故有蹕宮中之事

大喪復

于小寢大寢注小寢高祖以下廟之寢也始祖曰大寢

疏

注釋曰以隸僕職卑位小故使之復於寢也以其高祖已下廟稱小始祖廟稱大故寢亦隨廟爲稱也

周禮注疏卷三十一

周禮注疏卷三十一考證

司士孤卿特揖疏云王揖之皆逡遁者約鄉黨而知○

臣紱

按鄉黨無此文考大射禮公降一等揖賓賓辟

注云逡遁不敢當盛疑鄉黨是大射之訛

方相氏及墓疏木石之怪夔罔兩○木石訛土今據國

語文改正

大僕以待達窮者與遽令聞鼓聲則速逆御僕與御庶
子疏故云聞鼓聲則速逆御庶子也○速逆下脫御

僕二字

救日月亦如之疏惟四月正陽之月乃擊鼓彼四月不合擊鼓之月○下四月上應有非字

王射則贊弓矢疏小臣授矢於公○授監本訛作受今据大射儀改正

周禮注疏卷三十一考證

欽定四庫全書

周禮注疏卷三十二

漢鄭氏注 唐陸德明音義 賈公彥疏

弁師掌王之五冕皆玄冕朱裏延紐注冕服有六而言

五冕者大裘之冕蓋無旒不聯數也延冕之覆在上是

以名焉紐小鼻在武上笄所貫也今時冠卷當簪者廣

袤以冠縱其舊象與音義

數所主反卷起全反簪莊林反表音茂縱所買反劉霜綺

反與疏

釋曰云皆玄冕者古者績麻三十升布染之上音餘疏以玄下以朱衣之於冕之上下云延者即是上

玄者組者綴於冕兩旁垂之武兩旁作孔以筭貫之使
 其得牢固也凡冕體周禮無文叔孫通作漢禮器制度
 取法於周今還取彼以釋之按彼文凡冕以版廣八寸
 長尺六寸以此工玄下朱覆之乃以五采縹繩貫五采
 玉垂於延前是也注釋曰云冕服有六者按司服祭祀
 延龍卷以延冕言之今此惟云五冕者但此弁師所掌冕
 以疏為主祭天用大裘取質其冕亦當無旒為質故此
 不數之惟有五冕耳故云王之五冕也云延冕之覆在
 上者按玉藻注延冕工覆言雖不同義則不異皆以玄
 表覆之在冕工也以爵弁前后平則得弁稱冕則前低
 一寸餘得冕名冕則免也爵弁前后低為號也云紐小鼻在武
 工筭所貫也今時冠卷當簪者廣袤以冠縱其舊象與
 者古之紐武筭貫之處若今漢時冠卷當簪所貫者於
 上下之廣及隨縱之衰以冠縱者貫筭之處當冠縱之
 中央云舊象者是周冕垂紐於武貫筭之舊象也言與

者以無正文故
云與以疑之

五采繅十有二就皆五采玉十有二玉

筭朱紃注繅雜文之名也合五采絲為之繩垂於延之
前后各十二所謂邃延也就成也繩之每一帀而貫五
采玉十二旂則十二玉也每就閒蓋一寸朱紃以朱組
為紃也紃一條屬兩端於武繅不言皆有不明者此為
袞衣之冕十二旂則用玉二百八十八鷩衣之冕繅九
旂用玉二百一十六毳衣之冕七旂用玉百六十八希
衣之冕五旂用玉百二十玄衣之冕三旂用玉七十二

音義

繅音早司農云古藻字寔息遂反劉詩遂反苻音

疏

釋曰言五采藻十有二者此據袞冕而言謂合五采

者此各據一旒而言以玉有青赤黃白黑五色於一旒

之上以此五色玉貫於藻繩之上每玉間相去一寸十

二玉則十二寸就成也以玉貫之又以一玉為一組為絃仰屬結之也

也玉筭朱絃者以玉筭貫之又以一玉為一組為絃仰屬結之也

注釋曰云繅雜文者若水草之藻有五采故云雜文之

名也云所謂遠延也者謂玉藻文云繩之每一而貫

五采玉十二旒則十二玉也者以其云就皆五采玉十

有二明十二玉可知也云絃一條屬兩端於武者謂以

一條繩先屬一頭於左旁筭上以一頭繞於頤下至向

上於右相筭上繞之是以鄭注士冠禮云有筭者屈組

以為絃垂為飾無筭者纓而結其條彼有筭據皮弁爵

弁此五冕皆有筭與彼同此言屬於武者據筭貫武故

以武言之其實在筭云繅不言皆有不言者謂王之五冕繅則有十二有九有七有五有三其玉旒皆十二故繅不言皆有不言者則九旒以下是也玉言皆則五冕旒皆十二玉也此經十二旒據衮冕而言是以鄭云此為衮衣之冕十二旒以其十二旒旒各十二玉諸侯之前后二十四旒故用二百八十八已下計可知

繅旒九就璫玉三采其餘如王之事繅旒皆就玉璫玉筭注侯當為公字之誤也三采朱白蒼也其餘謂延紐皆玄覆朱裏與王同也出此則異繅旒皆就三采也每繅九成則九旒也公之冕用玉百六十二玉璫塞耳者故書璫作璫鄭司農云繅當為藻繅古字也藻今字

也同物同音無惡玉名音義亡侯依注音公璿本又作珉
疏釋曰諸公云繅九就又云繅旂皆就與上言繅十有
二就皆五采玉十有二異上繅王別文則繅有差降
玉無差降此諸公繅玉同文則惟有一冕而已故鄭計
一冕為九旒旒各九玉據冕九旒不別計驚冕已下以
其冕而巳冠五服故也巳下侯伯子男亦皆一冕冠
數服也王不言玉璵於此言之者王與諸侯互見為義
是以王言玄冕朱璵延紐及朱紘明諸侯亦有之諸公
言玉璵明王亦有之是其互有也注釋曰鄭知侯當為
公者以下別見諸侯又此經云九就當工公以九為節
故知是公也別見三采朱白蒼者聘禮記公侯伯繅藉三
采朱白蒼故知三采亦朱白蒼也云出此則異者異謂
天子朱紘諸侯當青組紘之等不得與王同也云繅旂
皆就皆三采也每繅九成則九旒也者此釋有一冕九
旒之意也云無惡玉名者按許氏說文無三采玉從玉

無聲以其三采又非璵璠故云惡玉名也說文又云珉石之美者從玉民聲如是經云璠玉三采當以璠為正故先鄭從璠王之皮弁會五采玉璠象邸玉笄注故書為惡玉名也

會作膾鄭司農云讀如馬會之會謂以五采束髮也士喪禮曰檜用組乃笄檜讀與膾同書之異耳說曰以組束髮乃著笄謂之檜沛國人謂反紛為膾璠讀如纂車轂之纂立謂會讀如大會之會會縫中也璠讀如薄借纂之纂纂結也皮弁之縫中每貫結五采玉十二以為飾謂之纂詩云會弁如星又曰其弁伊纂是也邸下柢

也以象骨為之音義

會同或一音外反注同并體檜二字亦

琪邸丁禮反著張畧反紛本又作紒音計綦音其下疏

同縫扶用反下同薄劉芳惡反祇丁禮反劉音帝

疏

注釋曰先鄭以會為五采束髮讀經以為皮弁會五采

引士喪禮及沛國之事後鄭皆不從故以會為縫中解

之先鄭讀從馬會取會結之義又讀璫如車轂綦之綦

直取音同未知何義也玄謂會如大會之會漢歷有大

會小會取會聚之義故為縫中又云璫讀如薄借綦之

綦綦結也者漢時有薄借綦之語故讀從之亦取結義

薄借之語未聞云皮弁之縫中每貫結五采玉十二以

為飾謂之綦者天子以十二為節約同冕旒也引詩會

弁如星者衛詩彼注云會謂弁之縫中飾之以玉璫璫

而處狀似星也與經義合故為證也又曰其弁伊綦是

也者璫既為玉又得為結義得兩合耳云王之弁經弁

邸下祇也者謂於弁內頂上以象骨為祇王之弁經弁

而加環經注弁經王弼所服也其弁如爵弁而素所謂素冠也而加環經環經者大如總之麻經纏而不糾司服職曰凡弔事弁經服疏注釋曰云弁經王弼所服也者司服文又雜記云凡弁經其哀侈袂故知弁經是王弼服云其弁如爵弁而素者按曾子問云麻弁經鄭云麻弁經者布弁而加環經也此不言麻者皆素為之故云而素也云所謂素冠者詩云庶見素冠兮彼素冠謂祥冠與此雖義別同是素為之云而加環經者謂先著素弁於下乃上加環經故云加也環經者大如總之經者總麻經五服之輕者弔服乃五服之外故約同之但總之經則兩股此環經以一股纏之不糾麤細同耳引司服者證弁經是弔服之經

諸侯及孤卿大夫之冕韋弁皮弁弁經各以其等為之

而掌其禁令注各以其等繅旂玉璫如其命數也冕則
侯伯繅七就用玉九十八子男繅五就用玉五十繅玉
皆三采孤繅四就用玉三十二三命之卿繅三就用玉
十八再命之大夫藻再就用玉八藻玉皆朱綠韋弁皮
弁則侯伯璫飾七子男璫飾五玉亦三采孤則璫飾四
三命之卿璫飾三再命之大夫璫飾二玉亦二采弁經
之弁其辟積如冕繅之就然庶人弔者素委貌一命之
大夫冕而無旒士變冕為爵弁其韋弁皮弁之會無結

飾弁經之弁不辟積禁令者不得相僭踰也玉藻曰君

未有命不敢即乘服不言冠弁冠弁兼於韋弁皮弁矣

不言服弁服弁自天子以下無飾無等音義辟積必亦

同反下疏釋曰諸侯者上已言公則此諸侯據侯伯子男

為諸侯之孤卿大夫解之也既承此諸侯之下故鄭以

可以兼之上天子與公不言韋弁此言之亦是互見之

義云各以其等為之不言爵而言等則依命數矣注釋

曰云各以其等謂藻旒玉璫如其命數也者經云冕故

云旒經云弁故云璫如其命數釋經云等也侯伯子男

之冕亦據一冕如上公矣侯伯子男纁玉皆三采者亦

約聘禮記藻三采朱白蒼而言之四命已下皆據典命

公之孤四命公侯伯之卿三命其大夫二命子男之卿

欽定四庫全書

卷三十二

再命大夫一命而言二采朱綠亦據聘禮記聘臣藻皆
二采朱綠而言也云弁經之弁具辟積如冕繅之就然
者以其弔服非吉故無飾故辟積有數也云庶人弔者
素委貌者此經不云庶人鄭云此者以有大夫已工因
言庶人且欲從下向上固推出士變冕為爵弁之意也
云一命之大夫冕而無旒者此亦無文鄭知然者凡冕
旒所以為文飾一命若止一旒一玉而已非華美
又見一命大夫衣無章士又避之變冕為爵弁若一命
大夫有旒士則不須變冕為爵弁直服無旒之冕矣故
知一命大夫無旒也若然爵弁制如冕但無旒之冕則
無旒之冕亦與爵弁不殊得謂之冕者但無旒之冕亦
前低一寸餘故亦得冕名也云韋弁皮弁之會無結飾
弁經之弁不辟積者一命大夫及士冕弁既無旒故知
無此等云禁令者不得相僭踰而引玉藻君未有命不
敢即乘服者彼諸侯之卿大夫聘於天子天子賜之冕
服歸國告君得君命乃服之未得君命則為僭踰故引

為證也云不言冠弁冠弁兼於韋弁皮弁矣者玄冠緇布衣緇帶素韠天子以為田服即諸侯及臣之朝服亦皮弁之類不言之者兼於韋弁皮弁也云不言服弁即衷經喪服也云服弁自天子以下無飾無等者則喪服曰天子達士其一章是也自此一經總包諸侯及臣不言天子之臣但天子三公八命卿六命大夫四命士三命以下冕弁之屬亦各以其等為之可知

司甲

闕疏釋曰此亦與冬官同時闕也

司兵掌五兵五盾各辨其物與其等以待軍事注五盾

干櫓之屬其名未盡聞也等謂功沽上下鄭司農云五

兵者戈殳戟酋矛夷矛音義

櫓音

疏

釋曰言各辨其物與其等者五兵五

欽定四庫全書

月利注疏
卷三十二

盾各有物色與其善惡長短大小之等云以待軍事者
按此下有舞者兵及厥五兵直云以待軍事者五兵五
盾以軍事為主故也注釋曰鄭云五盾干櫓之屬其名
未盡聞也者按祭統云朱干玉戚以舞大武秦詩云蒙
伐有苑注云伐中干干左氏傳建大車之輪以為櫓而當
一隊則有朱干中干及櫓聞其三者二者未聞故云其
名未盡聞也云等謂功沽工下者功謂善者為上等沽
謂麤惡者為下等也必知有此法者見彙人職云書其
等以饗工乘其事試其弓弩以下上其食明兵盾亦當
然先鄭云五兵者戈矢戟酋矛夷矛者此謂車之五兵
故下注云車之五兵
司農所云者是也
及授兵從司馬之灋以頒之及其
受兵輸亦如之及其用兵亦如之注從司馬之法令師
旅卒兩人數所用多少也兵輸謂師還有司還兵也用

兵謂出給衛守音義

卒子忽疏注釋曰云授兵從司馬反下同疏之法者司馬主六軍是

一官之長先受命於王知多少乃始出軍故從司馬法以頒之鄭知用兵是出給衛守者以其既言授兵下別

言用兵明是衛守祭祀授舞者兵注授以朱干玉戚之

屬疏戚注釋曰鄭知此兵是朱干玉戚者祭統云朱干玉

盾云祭祀授旅賁父故士戈盾司兵尊於司戈盾明所授兵據以大武朱干玉戚也其司干所授者又是羽籥

之等知非也大喪廡五兵注故書廡為淫鄭司農云淫陳

也淫讀為廡玄謂廡興也興作明器之役器五兵也士

喪禮下篇有甲冑干笮音義廡虛金反興虛應反下同

伯疏注釋曰先鄭一部之內廠皆從淫故曰淫淫為陳

反疏後鄭皆不從皆以為廠興解之者見司服云大喪

共其復衣服飲衣服掌其陳序圉人職云凡賓客喪紀

牽馬而入陳廠馬亦如之以此言之廠陳既別則廠不

得為陳以興象為義也云興作明器之役器五兵也者

按既夕禮明器之用器有弓矢役器之內甲冑干箠彼

雖不具五兵此既言五兵明五者皆有也故鄭引士喪

禮下篇甲冑干箠為證士喪禮下篇即既夕禮也言士

喪禮下篇者以其士喪論葬事士喪與既夕二篇同有

記皆在既夕篇下故二篇連言之也按彼注箠謂矢服

也軍事建車之五兵會同亦如之汪車之五兵鄭司農

所云者是也步卒之五兵則無夷矛而有弓矢疏釋曰建

車之五兵者凡器在車皆有鐵器屈之在車較及輿以

兵挿而建之故有出先刃入後刃之事汪釋曰鄭司農

所云者是也即上文注是也必知如先鄭義者見考工
記廬人云戈交戟酋矛夷矛乃云六建既備車不反覆
注六建五兵與人也以是故從司農所云也云步卒之
五兵則無夷矛而有弓矢者即司右注引司馬法所云
者是也有弓矢是能前五兵者若前驅所建則有四兵
故詩云伯也執殳為王前驅注引考工記車有六等之
數除軫與人四
兵為證是也

司戈盾掌戈盾之物而頒之注分與受用疏注釋曰分

即下文祭祀會
同之等皆是祭祀授旅賁故士戈盾授舞者兵亦

如之注亦頒之也故士王族故士也與旅賁當事則衛

王也父如杖長尋有四尺疏注釋曰云故士王族故士
者據司士而言云與旅賁

當事則衛王者按旅賁氏掌執戈盾而趨此執戈者以其與故士同衛王時以為儀衛故不執戈盾知父如杖者廬人所為不見有刃故知如杖知尋有四尺者車有六等云父長尋有四尺崇於人四尺也軍旅會

同授貳車戈盾建乘車之戈盾授旅賁及虎士戈盾注

乘車王所乘車也軍旅則革路會同則金路音義乘繩證反

後乘馬陪乘參乘皆準疏釋曰軍旅會同皆貳車貳皆此注王所乘依字讀有車右故授之以干盾云乘

車之戈盾者王所乘車有車右故建戈盾授旅賁氏及虎士戈盾者衛王故也注釋曰軍旅乘革路會同乘金

路皆中車文會同及舍設藩盾行則斂之注舍止也藩則彼以賓一也

盾盾可以藩衛者如今之扶蘓與音義與音疏注釋曰餘按掌舍

王行止注不言設藩盾者當宿衛之事非止一重除彼
柵板車宮之外別有此藩盾之等也云如今扶蘇者舉
漢法以況之也

司弓矢掌六弓四弩八矢之灋辨其名物而掌其守藏

與其出入注法曲直長短之數音義守劉手又反亦如

浪反沈疏釋曰此經與下為目辨其名物者六弓八矢
如字疏釋曰此經與下為目辨其名物者六弓八矢

直者謂若主弓弧弓合九成規已下或合七合五合三
是曲者合少直者合多長短者弓人云弓之上制六尺

六寸中制六尺三寸下制六尺是其長短也中春獻弓弩中秋獻矢箛注弓

弩成於和矢箛成於堅箛盛矢器也以獸皮為之音義

中音仲下同籛音服詩疏注釋曰矢籛獸皮為之者按

云象弭魚服盛音成詩云象弭魚籛雖不言用獸

蓋魚之似獸者為之若然此獸則魚形也及其頒之王弓

也惟有國語云檠弧箕籛不用獸皮也

弧弓以授射甲革槡質者夾弓庾弓以授射豸侯鳥獸

者唐弓大弓以授學射者使者勞者注王弧夾庾唐大

六者弓異體之名也往體寡來體多曰王弧往體多來

體寡曰夾庾往體來體若一曰唐大甲革革甲也春秋

傳曰蹲甲而射之質正也樹槡以為射正射甲與槡試

弓習武也豸侯五十步及射鳥獸皆近射也近射用弱

弓則射大侯者用王弧射參侯者用唐大矣學射者弓
用中後習強弱則易也使者勞者弓亦用中遠近可也
勞者勤勞王事若晉文侯文公受王弓矢之賜者故書
楹為報鄭司農云楹字或作報非是也圉師職曰射則
充楹質又此司弓矢職曰澤共射楹質之弓矢言射楹
質自有弓謂王弧弓也以此觀之言報質者非音義射
食亦反下以意求之楹張林反夾古洽反劉古協反庾
師儒相傳讀庾本或作庾豳音岸又音鴈使者所吏反
注同蹲音存劉才官反參桑感反易以鼓反報戶根
反一音魂或胡本反李音良一音居言反又音很疏

釋曰此經六弓強弱相對而言王弧直往體寡夾庾曲往體多故四者自對在先唐大往來若一故退之在後也注釋曰云六者弓異體之名也者即所引弓人之職往體來體之等是也此據體而言若以色而言即春秋尚書所云彤弓茲弓之等是也云甲革革甲也者欲見甲以革為之其實一物也引春秋傳者事在成十六年楚之養由基善射之事云質正也樹榦以為射正者謂若賓射之正然也云射甲與榦試弓習武也者見圍人云澤則共榦質是在澤宮中試弓習武也云豸侯者五十步及射鳥獸皆近射也近射用弱弓則射大侯者用王弧射參侯者用唐大矣者此據諸侯言之若據天子則用王弧射虎侯用唐大射熊侯用夾庾射豹侯也云學射者弓用中後習強弱則易也者用中謂唐大往來體如一一是中也云使者勞者弓亦用中遠近可也者使有遠有近皆可也云勞者勤勞王事若晉文侯者謂文侯之命賜之彤弓茲弓是也云文公者謂僖二十八年晉

文公敗楚於城濮襄王賜之以彤弓旅弓是也其矢箛皆從其弓注從弓數也

每弓者一箛百矢疏注釋曰云從弓數也者以經云夫

弓者一箛百矢者按文侯之命及僖二十八年晉文公受弓矢皆云彤弓一彤矢百雖是所賜之弓矢射之弓

矢約同之按詩頌云束矢其搜毛注云五十矢為束鄭從之至此為百矢者無正文鄭兩從不定也凡弩

夾庾利攻守唐大利車戰野戰注攻城壘者與其自守

者相迫近弱弩發疾也車戰野戰進退非強則不及弩

無王弧王弧恒服弦往體少者使矢不疾音義攻如字劉音貢

強具丈反疏注釋曰云攻城壘者城謂城郭壘謂軍壁又其良反疏若宣公十二年云御靡旌麾壘而還之類

也云與其自守者即城壘也云弩無王弧王弧恒服弦者按上弓有六等有王弧至此弩已有夾庾等四種故云弩無王弧也恒服弦者若弓用則服弦不用則弛惟弩則用與不用一張之役竟不弛故云恒服弦也若然恒服弦用弱者以其強弓久不弛則就弦弱則隨體不就弦也又王弧往體少使之恒服弦則使矢不疾故不用凡矢枉矢絜矢利火射用諸守城車戰殺矢鏃矢用

諸近射田獵矰矢第矢用諸弋射恒矢痺矢用諸散射注此八矢者弓弩各有四焉枉矢殺矢矰矢恒矢弓所用也絜矢鏃矢第矢痺矢弩所用也枉矢者取名變星飛行有光今之飛矛是也或謂之兵矢絜矢象焉二者

皆可結火以射敵守城車戰前於重後微輕行疾也殺
矢言中則死鏃矢象焉鏃之言候也二者皆可以司候
射敵之近者及禽獸前尤重中深而不可遠也結繳於
矢謂之矰矰高也第矢象焉第之言剌也二者皆可以
弋飛鳥刺羅之也前於重又微輕行不低也詩云弋鳬
與鴈恒矢安居之矢也痺矢象焉二者皆可以散射也
謂禮射及習射也前後訂其行平也凡矢之制枉矢之
屬五分二在前三在後殺矢之屬三分一在前二在後

矰矢之屬七分三在前四在後恒矢之屬軒輶中所謂

志也鄭司農云痺矢讀為人罷短之罷玄謂痺讀如痺

病之痺痺之言倫比音義

枉紆往反絮劉苦結反又音結一音戶結反弩矢也鏃音

候劉音侯弩矢矰音增第劉扶弗反李一音孚忽反一音敦或音弗弩矢痺方二反弩矢散素旦反注同中丁

仲反下中深射中同繳章藥反刺孚物反訂李音亭呂沈同劉當定反輶音周一音定周反痺方二反毗志

反疏注釋曰鄭知此八夫弓弩各有四者以上文六弓四弩俱陳於下總列八矢則知八矢為弓弩所設

故鄭分之四矢屬弓四矢屬弩也八矢兩兩相附必知在工者屬弓在下者屬弩者此上文六弓在上四弩在

下故還以在上配弓在下配弩也云枉矢者取名變星飛行有光今之飛矛是也者按輶人云弧旌枉矢以象

狀如也。按孝經緯援神契云：枉矢射，慝考異郵曰：枉矢，精
妖變之星。行時有光，故鄭云：枉矢者，取名變星。飛行有
光，漢時名此矢為飛矛。故舉以為說也。云或謂之兵矢者，
皆人職。文云：絜矢象焉者，謂輕重象枉矢也。云二者
疾也者，以殺矢三分一在前，二在後，是最重者也。此枉
絜二矢，則五分二在前，三在後，故云前於重後微輕。微
輕對已下，矧矢恒矢等為最輕也。云殺矢言中則死者，
解稱殺矢之名，以其最重中則死，故也。云鏃矢象焉者，
亦尤重者也。云二者皆可以司候射敵之近者及禽獸者，
者釋經用諸近射田獵之文。云前尤重中深而不可遠
也者，以其三分一在前，二在後，故云尤重中深故殺名
不可遠，故用之近射也。云結繳於矢者，言矧增高者也。
繳則繩也，謂結繩於矢以弋射鳥獸者，言矧增高者欲取

向工射飛鳥之義也云第矢象焉者亦結繳為射也云
第之言射也二者皆可以弋飛鳥刺羅之也者解結繳
以羅取而刺殺之義云前於重又微輕者此又對枉矢
絮矢五分者是重此於五分之重又微輕於彼以此矢
七分故也引詩者證弋是取禽鳥之義也云恒矢安居
之矢也者按弓人有其人安其弓安其矢安之文則此
恒矢軒輶訂是安居之矢也云痺矢象焉二者皆可以
散射也謂禮射及習射也者已工六矢皆用之攻守及
弋射惟此矢云散射明散射是禮射也其禮射者即大
射賓射燕射之等皆是其習亦於此三射中為之故并
言之也云前後訂其行平也者以矰矢七分三在前四
在後則知此八分四在前四在後即行平也云凡矢之
制枉矢之屬至四在後皆矢人職文云恒矢之屬軒輶
中所謂志也者既夕記云志一乘軒輶中是也先鄭云
痺矢讀為人罷短之罷此倫俗讀於義無取玄謂痺讀
為痺病之痺痺之言倫比倫比則與安居之義同也此

八矢六弓四弩不相配者以四矢配四弩於義為可以
四矢配六弓其數參差不可相當故不得相配但依六
弓四弩與矢隨天子之弓合九而成規諸侯合七而成
義相當而用之

規大夫合五而成規士合三而成規句者謂之弊弓注

體往來之哀也往體寡來體多則合多往體多來體寡

則合少而圓弊猶惡也句者惡則車者善矣音義弊
世反

徐扶滅反哀初疏釋曰按上注王弧射大侯夾庾射豸
危反園音圓

體寡故合九成規諸侯之弓則夾庾以其往來體若一
故合七成規大夫之弓則夾庾以其往來體若一

規也士之弓則六弓之外句曲合三成規云句者謂之
弊弓者但句之至極無過合三合三之外雖別言句者

還指合三者而言耳按天子諸侯三侯士與大夫同射
近侯無與大夫別侯之法今以士合三與大夫別者
以士與大夫尊卑次暫以合三者託之于士其實士無
合三之弓也注釋曰云體往來之哀也者此皆據角弓
反張不被弦而合之從合九合七合五合三降殺以兩
故言哀也云往體寡來體多則合多者據王弧而言云
而體多來體寡則合少而圜者據央庾凡祭祀共射牲
而說不言唐大者在此二者中間可知

之弓矢注射牲示親殺也殺牲非尊者所親惟射為可

國語曰禘郊之事天子必自射其牲疏釋曰言凡語廣

有射牲之事注釋曰言殺牲非尊者所親惟射為可者
按禮記君親制祭詩云執其鸞刀以啓其毛則射外兼
為而言惟射者彼亦示行之非正制之耳引澤共射堪
國語者欲見有射牲之事彼據祭天而言

質之弓矢注鄭司農云澤澤宮也所以習射選士之處

也射義曰天子將祭必先習射於澤澤者所以擇士也

已射於澤而後射於射宮射中者得與於祭音義與音

疏注釋曰此所共弓矢據王弧故上云王弓弧弓以射
甲革堪質引射義欲見射堪質是試弓習武在澤宮

也大射燕射共弓矢如數并夾注如數如當射者之數

也每人一弓乘矢并夾矢籥也音義夾音甲注同乘繩
證反四矢曰乘矢

籥劉奴輒反疏注釋曰知每人四矢者見大射鄉射禮
又女十反每人各乘矢也云并夾矢籥也者矢籥

之言出大喪共明弓矢注弓矢明器之用器也士喪禮
於漢時

下篇曰用器弓矢疏

注釋曰云明器之用器也者明器中有用器役器役器中有甲冑干

管用器中有弓矢故鄭還引用器為證也

凡師役會同頒弓弩各以其物從

授兵甲之儀

注物弓弩矢箠之屬音義

從才疏釋曰言用反疏師役據

王巡狩征伐而言與會田弋充籠箠矢共矐矢注籠竹

同異頒弓弩則不殊也

箠也矐矢不在箠者為其相繞亂將用乃共之音義

魯籠

東反為疏

釋曰田謂四時田時弋謂弋鳧與鴈云充籠于偽反疏箠者籠箠皆盛矢物及矢皆共之云共矐

矢者謂矢之有繳者注釋曰云矐矢不在箠者以其共矐矢在箠下別言之故言不在箠也

凡亡矢

者弗用則更注更償也用而棄之則不償音義

更音庚注同

繕人掌王之用弓弩矢箛矰弋挾拾注鄭司農云挾者

所以縱弦也拾者所以引弦也詩云挾拾既次詩家說

或謂挾謂引弦彊也拾謂鞬扞也玄謂挾挾矢時所以

持弦飾也著右手巨指士喪禮曰挾用正王棘若擇棘

則天子用象骨與鞬扞著左臂裏以韋為之音義挾反古

汪同彊苦侯反鞬古侯反劉云彊字之異者扞胡旦反

挾子協反一音戶牒反著丁畧反或直畧反下同釋劉

音澤又音亦一音疏釋曰此繕人所掌王之用弓弩者

徒洛反與音餘謂司弓矢選擇大善者入繕人以

共王用也汪釋曰先鄭所解挾拾二家為說前非後是

故後鄭增成其義引士喪禮者欲見凶時有文吉時無

文約出吉禮也無正文故云天子用象
骨與韋雖不言與亦同疑可知

掌詔王射注告

王當射之節疏

注釋曰王射先行燕禮以大射禮賓
與王為耦所告之事亦如大射禮大射

正告公贊王弓矢之事注授之受之疏
注釋曰按大射禮大射正授弓

之小臣授矢天子禮繕人授之受之按大僕職已授
凡受之此又為者大僕尊大僕贊時此官助贊也
凡乘

車充其籠箠載其弓弩注充籠箠者以矢疏
注釋曰繕人

乘之車而言凡乘車則除革路之外玉金象木之車
皆有右備制非常皆充其籠箠及所載弓矢注釋曰以

籠是盛矢器今云充之明
既射則斂之注斂藏之也詩

云彤弓弘兮受言藏之晉義
逄反疏注釋曰所斂者惟
據王所乘車上有

弓矢者既射還歛取藏之引
詩證既射弛而藏之義也
無會計注亡敗多少不計

音義

後會計之外反下大會同疏釋曰以其王所費

橐人掌受財于職金以齎其工注齎其工者給市財用

之直音義

後齊音咨疏釋曰掌受財于職金者謂有罪人

受之注釋曰弓弩矢箠皆冬官百工
造之故云齎其工者給市財用之直也
弓六物為三等

弩四物亦如之注三等者上中下人各有所宜弓人職

日弓長六尺六寸謂之上制上士服之弓長六尺三寸

謂之中制中士服之弓長六尺謂之下制下士服之弩

及矢箛長短之制未聞

疏釋曰弓人惟云弓之長短不言弩之長短蓋當與弓同但

無正文故注亦云未聞注釋曰云三等者上中下人各有所宜者皆據凡人長短為上中下士非謂命數者也

此經惟言弓弩不言矢箛以下經有矢箛因此弩并云未聞按矢人造矢云五分其長而羽其一注云羽者六

寸其羽六寸則矢長三尺而此云矢未聞者彼矢長三尺約而言之亦無正文且弓之長短既不同明矢亦當

有差等其矢之差等未聞及箛亦未聞也但弓六物為三等不言皆者下別言弩故六弓不言皆下矢八物皆

兼有弩矢故湏言皆也**矢八物皆三等箛亦如之春獻**

素秋獻成

注矢箛春作秋成疏

釋曰按司弓矢注弓弩各有四矢應作四等而

言三等蓋據長短為三等法矢人注矢長三尺者假設言之弩既無長短之文矢亦未聞長短也若然箛隨矢

長則弓之矢箛與弓矢齊弩之矢箛亦與弩矢齊但矢既未聞故箛亦未聞也注釋曰按士喪禮明器有獻素獻成注云此形法定為素飾書其等以饗工注鄭司農云治畢為成此矢箛亦然

書工攻拙高下之等以制其饗食也玄謂饗酒有勞之

也上工作上等其饗厚下工作下等其饗薄音義報勞反

疏

注釋曰按下文自有下上其食此文饗據以酒肴饗之先鄭以饗為食非故後鄭不從後鄭不言中饗者

舉有上下明有中可知也乘其事試其弓弩以下上其食而誅賞注

鄭司農云乘計也計其事之成功也故書試為考玄謂

考之而善則上其食尤善又賞之否者反此音義試音考出

注上時掌
反注同

疏注釋曰云故書試為考
後鄭亦從考為義也

乃入功于司弓矢

及繕人注功成凡齎財與其出入皆在橐人以待會而

攷之亡者闕之注皆在橐人者所齎工之財及弓弩矢

箛出入其簿書橐人藏之闕猶除也弓弩矢箛棄亡者

除之計今見在者音義

見賢疏釋曰數事皆在橐人者
在反以橐人是弓矢官之主

故皆有簿
書藏之也

戎右掌戎車之兵革使注使謂王使以兵有所誅斬也

春秋傳曰戰於穀晉梁弘御戎萊駒為右戰之明日襄

公縛秦囚使萊駒以戈斬之音義

注使色吏反疏注釋曰戎右者

與君同車在車之右執戈盾備制非常并充兵中使役故云掌戎車之兵革使謂執兵著甲之使也引春秋者

文二年左傳文秦晉戰於穀時囚呼萊駒失戈引之者證戎右以兵革使事

詔贊王鼓注既

告王當鼓之節又助擊之疏

注釋曰大僕已贊王鼓此亦同是助擊其餘面也

傳王命于陳中注為王大言之也音義

傳傳直宣反下注傳敦同陳直慎

反劉直各反為于偽反下為衆同

會同充革車注會同王雖乘金路猶

以革路從行也充之者謂居左也曲禮曰乘君之乘車

不敢曠左疏

注釋曰知會同王乘金路者巾車云金路賓是也此言充革車故知猶以革路從

云充之者謂居左也者尊者左載王既不乘故戎右居左贊王處是以引曲禮為證彼注云君在惡空其位是也盟則以玉敦辟盟遂役之注鄭司農云敦器名也辟

法也玄謂將軟血者先執其器為衆陳其載辭使心皆

開辟也役之者傳敦血授當軟者音義敦音對劉又都

注同軟所洽疏注釋曰先鄭以辟為法此無取於法義反徐所輒反故後鄭為開辟盟者之心云將軟血者

先執其器者凡盟先割牛耳盛於珠盤以玉敦盛血贊戎右執此敦血為陳其盟約之辭使心開辟乃軟之贊

牛耳桃茢注鄭司農云贊牛耳春秋傳所謂執牛耳者

故書茢為滅杜子春云滅當為厲玄謂尸盟者割牛耳

取血助為之及血在敦中以桃茆拂之又助之也耳者

盛以珠盤尸盟者執之桃鬼所畏也茆莒帚所以掃不

祥音義

茆音列沈音例盛音反疏注釋曰引春秋者按哀成莒音條帚之受盛反

蒙孟武伯問於高柴曰諸侯盟誰執牛耳季羔曰鄆行之役吳公子姑曹注云在七年發陽之役衛石魋注云發陽鄆地在十二年武伯曰然則虺也以其魯於齊為小國故也云玄謂尸盟者割牛耳者尸盟即是小國也

云桃鬼所畏也茆莒帚所以掃不祥者殺牲取血旁有不祥故執此二者於血側也

齊右掌祭祀會同賓客前齊車王乘則持馬行則陪乘

注齊車金路王自整齊之車也前之者已駕王未乘之

時陪乘參乘謂車右也齊右與齊僕同車而有祭祀之

事則兼玉路之右然則戎右兼田右與音義

齊側皆反下齊車齊

僕皆同乘劉繩證疏汪釋曰云前之者已駕王未乘之反沈音繩與音餘疏時者曲禮曰僕執策立於馬前備

驚奔謂未乘時此亦未乘之時在馬前備驚奔也云參乘者王與僕及車右為參乘也云齊右與齊僕同車而

有祭祀之事則兼玉路之右者齊僕同乘金路惟可據齊時今此經云祭祀不言齊明是兼祭祀乘玉路時為

右可知也以其玉路有五其右惟有齊右道右三者不見祀右及田右祭祀時亦名齊田與戰伐俱用兵可以

相通故知齊右兼玉路右戎右兼凡有牲事則前馬注田右也無正文故云與以疑之也

王見牲則拱而式居馬前卻行備驚奔也曲禮曰國君

下宗廟式齊牛音義

卻音却 反

疏

注釋曰云王見牲則拱而式者凡男子立

乘前視五雋若有敬事則式式視馬尾當湏端拱故云拱而式也云居馬前卻行備驚奔也者以其王既拱而

式是以齊右居馬前卻行備驚奔故也引曲禮曰國君下宗廟式齊牛者按彼經云國君式宗廟下齊牛此所

引不同者但宗廟尊宜下將彼經為誤故鄭改之依正而言也

道右掌前道車王出入則持馬陪乘如齊車之儀注道

車象路也王行道德之車疏

釋曰齊右云王乘則持馬此云王出入則持馬文不

同者為右之義不異不同者互換為義故也注釋曰云道車象路也王行道德之車者若言象據飾為名言道

據行道為稱是以自車上諭命于從車注自由音義從才

用反下及注同疏釋曰按馭夫掌馭貳車從車彼注貳馭夫職放此

所諭從車即彼貳車與彼從車別同名耳詔王之車儀注顧式之屬疏注釋曰禮

云式視馬尾顧不過轂皆是車上威儀故須詔之齊右不云者文不具王式則下前馬王

下則以蓋從注以蓋從表尊疏注釋曰蓋有二種一者

尊之蓋也

大馭掌馭玉路以祀及犯軼王自左馭馭下祝登受轡

犯軼遂驅之注行山曰軼犯之者封土為山象以菩芻

棘栢為神主既祭之以車轢之而去喻無險難也春秋

傳曰跋涉山川自由也王由左馭禁制馬使不行也故

書輶作罰杜子春云罰當為輶輶讀為別異之別謂祖

道輶輶礫犬也詩云載謀載惟取蕭祭脂取羝以輶詩

家說曰將出祖道犯輶之祭也聘禮曰乃舍輶飲酒于

其側禮家說亦謂道祭音義

輶蒲未反注跋涉同祝之又反菩劉音負一音倍芻

初俱反輶音歷難乃旦反別彼列反下同礫陟格反羝丁兮反舍音釋

疏釋曰此據祭天之時故有犯輶

之事云及犯輶者出國門封土為山象祭輶王在左自馭馭下祝登受取王手之轡犯輶遂驅之而出注釋曰

行山曰輶者謂水行曰涉山行曰輶云封土為山象者鄭注月令祀行之禮為輶壇厚三寸廣五尺此道祭亦

宜然云苦芻棘栢為神主者謂於三者之中但用其一
以為神主則可也云既祭之以車轢之而去喻無險難
也者祭天在近郊雖無險難審慎故也引春秋傳曰者
按襄二十八年子太叔云跋涉山川蒙犯霜露以逞君
心是其山行曰輶之事也子春讀輶為別異之別者蓋
取輶訖行去之意引聘禮大夫道祭者無牲牢酒脯而
已又於旁飲酒餞別及祭酌僕僕左執轡右祭兩軹祭
故云飲酒於其側也

輶乃飲注故書軹為軒輶為範杜子春云文當如此左

不當重重非是書亦或如子春言又曰軒當作軹軹謂

兩轆也其或言輶亦非是又云輶當為軹軹謂車軹前

也或讀軒為簪笄之笄音義

軹音紙軹音犯注軹同軒
劉音雞重直龍反轆音衛

軌媿美反疏時釋曰此云及祭末酌及僕者即上文將犯軌而去酌

僕者使人酌酒與僕僕即大馭也大馭則左并轡右手祭兩軹并祭軌之軹前三處訖乃飲飲者若祭末飲福

酒乃始轅軼而去江釋曰云謂兩轡者轡即轅末云軌當為軹軹謂車軹前也者按少儀祭左右軌范乃飲注

云周禮大馭祭兩軹祭軌乃飲軌與軹於車同謂轡頭也范與范聲同謂軹前也若然此云軹少儀作軌軌與

車轍之軌同名此云軌凡馭路行以肆夏趨以采齊注少儀云范同是軹前也

凡馭路謂五路也肆夏采齊樂章也行謂大寢至路門

趨謂路門至應門音義齊才反疏釋曰樂師亦有此法彼

行趨者據步迎賓客法此既馭路亦云行趨者此雖馭路行趨遲疾准步迎賓客為法故雖車亦行趨也注釋

曰此大馭惟馭玉路而云謂五路者大馭雖馭玉路以經云凡所舍廣則餘四路亦准玉路為法故云五路也若然迎賓客惟乘金路餘四路雖不用迎賓客至於乘車皆自內而出自外而入經路寢及門故鄭據大寢為正也云肆夏米薺樂章也者肆夏在鍾師與九夏同是樂章可知其米薺雖逸詩既與肆夏同歌明亦樂章也知行謂大寢至路門趨行雖在堂亦人之行由堂始發故謂之行門外謂之趨行雖在堂亦人之行由堂始發故至應門也鄭注樂師云及入應門路門亦如之此注不言亦同於彼也若然應門外亦應凡馭路儀以鸞和為有樂節但無文故鄭亦不言也

節注舒疾之法也鸞在衡和在軾皆以金為鈴音義鈴

零疏

注釋曰鄭知鸞在衡和在軾者鄭見韓詩傳云升車則馬動馬動則鸞鳴鸞鳴則和應乘車先馬動

次鸞鳴乃和應明鸞近馬首和更近後故知鸞在衡和在軾也且按秦詩云韉車鸞鑣毛云鸞在衡鄭云鸞在鑣不從毛義者鄭以田車鸞在鑣乘車鸞在衡此云鸞在衡據乘車而言故也云皆以金為鈴者鼓人掌四金鈴則四金之類故知用金為之乃可得有聲也

戎僕掌馭戎車注戎車革路也師出王乘以自將音義

將子疏注釋曰此云戎車巾車革路也建掌王倅車之匠反疏太白以即戎故云戎車革路也

政正其服注倅副也服謂衆乘戎車者之衣服音義倅七

倉內反劉疏注釋曰鄭注坊記云僕右恒朝服據非在軍倉愛反時若在軍則服韋弁服衆乘戎車者之衣服謂此服也言衆乘戎車者之服則副犯較如玉路之儀車十二乘及廣闕革輕之倅皆是也

凡巡守及兵車之會亦如之注如在軍疏

注釋曰云如在軍者謂如

其犯輶巡守及兵車會亦乘革路若乘車之會即乘金路也

掌凡戎車之儀注凡戎

車衆之兵車也書序曰武王戎車三百兩疏

注釋曰云凡語廣故

知衆兵車即三百兩也按武王伐紂時王自巡六師則有六軍千乘及諸戎狄三分二諸侯其車多矣只有三

百兩者據在陳與紂戰者而言

齊僕掌馭金路以賓注以待賓客音義

賓如字劉疏釋方乃反曰

此經與下文為目所待賓客即下文是也

朝覲宗遇饗食皆乘金路其灋儀

各以其等為車送逆之節注節謂王乘車迎賓客及送

相去遠近之數上公九十步侯伯七十步子男五十步

司儀職曰車逆拜辱又曰及出車送音義乘車疏注釋如字

享於廟則迎之大行人云上公九十步介九人損者五

人廟中將幣三享鄭注云朝先享不言朝朝正禮不嫌

有等是春夏受贄於朝無迎法故郊特往云觀禮天子不之秋冬一受

之於廟亦無迎法故郊特往云觀禮天子不之秋冬一受

諸侯是受贄受享皆無迎法今言朝觀宗遇饗食在廟即有

金路者謂因此朝觀宗遇而與諸侯行饗食在廟即有

乘金路迎賓客之法也云上公九十步已下大行人文

彼據受享於廟非饗食禮也引之者欲見饗食迎賓與

受享同司儀所云亦據受饗食之禮也

道僕掌馭象路以朝夕燕出入其灋儀如齊車注朝夕

朝朝莫夕音義

朝直遙反注朝夕同朝朝疏注釋曰朝上如字下直遙反莫音暮朝莫夕在

正朝來往而言燕者以其在宮中行事皆稱燕

掌貳車之政令注貳亦副疏注

曰上文戎僕倅車云副故此貳亦副也

田僕掌馭田路以田以鄙注田路木路也田田獵也鄙

循行縣鄙音義

孟行下疏注釋曰云田路木路也者按巾

路即木路也云田田獵也者據四時田也云鄙循行縣鄙者謂在百里外六遂之中王巡六遂縣鄙則六鄉州

黨巡之可知舉遠以明近也

掌佐車之政注佐亦副疏

注釋曰天子尊故戎車田

車之貳有別名諸侯舁戎車田車之貳同曰佐無倅名是以檀弓云戰於乘丘公隊佐車授綏少儀注亦云朝

祀之副曰貳戎設驅逆之車注驅驅禽使前趨獲逆衙

還之使不出園音義衙如字又起遇反後同疏釋曰按

大夫殺則止佐車此驅逆之車也百姓令獲者植旌注以告

獲也植樹也音義植直吏反又時力疏釋曰按山虞植

云植旌此禽者彼此及獻比禽注田弊獲者各獻其禽

比種物相從次數之音義比毗志反次也注同種疏注

曰大司馬春秋弊夏車弊秋羅弊冬徒弊弊止也田止

禽擇取三十其餘為主皮之射而凡田王提馬而走諸

侯晉大夫馳注提猶舉也晉猶抑也使人扣而舉之抑

之皆止奔也馳放不扣音義

下同

疏

釋曰凡田亦謂四時田天子發

抗大綏諸侯發抗小綏大夫下君不得云綏云大夫發止佐車其時有提馬晉馬之事晉提遲於馳皆取尊者

義體促之也

馭夫掌馭貳車從車使車注貳車象路之副也從車戎

路田路之副也使車驅逆之車疏


注釋曰知貳車是象路之副者以道僕云

掌貳車之政令故知之也知從車是戎路田路之副者見戎僕與田僕俱不言貳田與戎俱是職煩故知兼此

二者也不掌玉路金路之副者二者事暇蓋車僕不共掌也知使車是驅逆者以使役勞劇之事故知是驅逆

也。車分公馬而駕治之注乘調六種之馬疏注釋曰趣馬自主駕

脫故知此駕治者是調習之也



周禮注疏卷三十二

周禮注疏卷三十二考證

弁師掌王之五冕疏兩旁作孔以筭貫之。○貫監本訛作冠今据注云筭所貫也改正

諸侯及孤卿大夫之冕疏玄冠緇布衣緇帶素鞶。○監本緇訛緇鞶訛鞶今考士冠禮及春官司服注正之
司戈盾掌戈盾之物而頒之注分與受用。○受監本訛作授今改正

凡師役會同從授兵甲之儀。○甲監本訛作至今從石

經改正

繕人凡乘車充其籠箠載其弓弩疏及所載弓矢○矢
當作弩

戎右掌戎車之兵革使注使萊駒以戈斬之○戈訛戎
今据春秋傳改正

周禮注疏卷三十二考證

欽定四庫全書

經部

周禮注疏卷三十三

詳校官監察御史_臣祝德麟

刑部郎中_臣許兆椿覆勘

覆校官庶吉士_臣侍朝

校對官中書_臣王慶長

謄錄監生_臣郭洽怡

欽定四庫全書

周禮注疏卷三十三

漢鄭氏注 唐陸德明音義 賈公彥疏

校人掌王馬之政注政謂差擇養乘之數也月令曰班

馬政疏

釋曰此經與下為目下亦有邦國及家而云王馬者以尊為主注釋曰云政謂差擇養乘之數

也者經辨六馬養差擇也下云凡頒良而養乘是養乘

也月令者謂季秋之令彼注云馬政謂齊其色度其

力使同乘引此職凡軍事物馬而班之皆是馬政故引為證也辨六馬之屬種馬一物

戎馬一物齊馬一物道馬一物田馬一物駕馬一物注

種謂上善似母者以次差之玉路駕種馬戎路駕戎馬

金路駕齊馬象路駕道馬田路駕田馬駕馬給宮中之

役疏

注釋曰六者皆有毛物不同故皆以物言之此六者先善後惡次第而言也種馬上善似母者以其

言種故知似母但種類亦有似父而言似母者以母為主也知種馬駕玉路已下差次如此者以其言戎道田

以事為名則知戎馬駕戎路道馬駕道車田馬駕田路

以此而言種馬最在上駕玉路可知駕馬最在下五路

之外給

後可知凡頒良馬而養乘之乘馬一師四圉三乘為阜

阜一趣馬三阜為馭馭一馭夫六馭為廐廐一僕夫六

廐成校校有左右騶馬三良馬之數麗馬一圉八麗一

師八師一趣馬八趣馬一馭夫注良善也善馬五路之馬鄭司農云四匹為乘養馬為圉故春秋傳曰馬有圉牛有牧玄謂二耦為乘師趣馬馭夫僕夫帥之名也趣馬下士馭夫中士則僕夫上士也自乘至廐其數二百一十六匹易乾為馬此應乾之筴也至校變為言成者明六馬各一廐而王馬小備也校有左右則良馬一種者四百三十二匹五種合二千一百六十匹駕馬三之則為千二百九十六匹五良一駕凡三千四百五十六

匹然後王馬大備詩云駉牝三千此謂王馬之大數與
麗耦也駉馬自圉至馭夫凡馬千二十四匹與三良馬
之數不相應八皆宜為六字之誤也師十二匹趣馬七
十二匹則馭夫四百三十二匹矣然後而三之既三之
無僕夫者不駕於五路卑之也**音義**

乘繩證反注及下
注乘匹同圉魚呂

反阜才早反趣倉走反劉沈清煩反下同數音計本又
作繫戲九又反八麗依注八皆音六應應對之應筴初
革反駉音來牝煩忍反劉扶

疏

釋曰言頌良馬對下別
言駉馬養馬有多少不

同故別言良馬也言養乘之者已下皆四為耦是因
養馬而乘習之注釋曰云善馬五路之馬者據上文而

言之也春秋傳曰者昭七年楚芋尹無宇執人於王宮
言馬有圉牛有牧引之證養馬為圉也玄謂師趣馬馭
夫僕夫帥之名也者皆以寡領衆故知主帥之名也云
趣馬下士馭夫中士則僕夫上士也者序官有趣馬下
士卑一人徒四人馭夫中士二十人無僕夫士數之文
以此文官尊者管卑者馭夫既中士明僕夫上士可知
云自乘至廐其數二百一十六匹易乾為馬此應乾之
策也者按易天一生水北方地二生火南方天三生木
東方地四生金西方天五生土中央是謂陽無匹陰無
耦又地六成水北方天七成火南方地八成木東方天
九成金西方地十成土中央是謂陽有匹陰有耦龜取
生數一二三四五著取成數六七八九十若然東方南
方生長之方故七為少陽八為少陰西方北方成熟之
方故九為老陽六為老陰不取十者中央配四方故也
是以易之六爻卦畫七八爻稱九六七八九六既配四
方故九六皆以四乘之乾之六爻以四乘九四九三十

六六爻故二百一十六是為乾之策也云校有左右則良馬一種者四百三十二匹者經云六廐成校據一廐言之王馬小備下云校有左右則十二廐為十二閑若據一廐一廐為二百一十六匹據兩廐倍之故四百三十二匹種別四百三十二匹五種計之自然總合二千一百六十匹又益駕馬三良馬之數三箇四百三十二則得千二百九十六匹五良一駕總計自然凡三千四百五十六匹對前小備故云然後王馬大備也詩云駉牝三千此衛文公滅而復興徙而能盛計諸侯止合六閑馬其三千是王馬之數雖非禮制國人美之故鄭云王馬之大數言大數者不言四百五十六故也言與者約同王馬之數故言與以疑之也云駕馬自圉至馭夫凡馬千二十四匹與三良之數不相應者依經八計之得此千二十四匹其三良馬有千二百九十六匹故言不相當若作六計得千二百九十六匹與三良馬數合故破從六也按此經乘馬一師四圉三乘為阜阜一趣

馬三阜為繫繫一馭夫按序官云趣馬下士阜一人徒四十人即與此云阜一趣馬合自師至馭夫中士二十人下士四十人并之六十正克此良馬天子十有二閑之馭夫又不見駑之馭夫者或脫也

馬六種邦國六閑馬四種家四閑馬二種注降殺之差

每廄為一閑諸侯有齊馬道馬田馬大夫有田馬各一

閑其駑馬則皆分為三焉音義

殺所界反疏注釋曰天子十

在上云諸侯有齊馬道馬田馬大夫有田馬各一閑其駑馬皆分為三焉者以駑馬三良之數上下同故為此解趙商問校人職天子有十二閑六種為三千四百五十六匹邦國六閑馬四種為二千五百九十二匹家四閑馬二種千七百二十八匹商按天子之卿采地食小都大夫食縣不審所田當能共此馬數故禮記家富不

過百乘謂其多也以司馬法論之甸方八里有戎馬四匹長轂一乘今大夫采地四甸一甸稅又給王其餘三甸纔有馬十二匹今又就校人之職相校甚異何答曰邦國六閑四種其數適當千二百九十六匹家有四閑二種又當八百六十四匹今子以何術計之乎此馬皆君之所制為非謂民賦畿內百里之國者居四都五十里之國居四縣二十五里之國居四甸而引天子卿食小都大夫食縣欲何以難又司馬法甸有戎馬四匹長轂一乘此為民出軍賦無與於天子國馬之數事條未理而多紛紜趙商云邦國二千五百九十二匹者謂三良一良四百三十二匹三良千二百九十六匹駕三其一種亦千二百九十六匹故合為二千五百九十二匹家四閑馬二種為千七百二十八匹謂良馬一種四百二十二匹駑馬一種三良馬一種亦千二百九十六匹并之千七百二十八匹正合於數鄭不從者天子十二閑分為左右一種馬分為兩廐故一種馬有四百三十

二匹諸侯及大夫直一廂不分為左右則良馬惟有三
廂三良居三廂其數六百四十八匹駕馬亦三其一種
其數亦六百四十八匹并之千二百九十六匹家有二
種一良一駕良居一廂二百一十六匹駕馬三之為六
百四十八匹并之為八百六十凡馬特居四之一注欲
四匹故鄭氏云子以何術計之

其乘之性相似也物同氣則心一鄭司農云四之一者

三牝一牡疏

注釋曰云欲其乘之性相似也者是使三牝各產其一通牡為四共駕一車取同氣

一心春祭馬祖執駒注馬祖天駟也孝經說曰房為龍

之義馬鄭司農云執駒無令近母猶攻駒也二歲曰駒三歲
曰駝玄謂執猶拘也春通淫之時駒弱血氣未定為其

乘匹傷之音義

令力呈反下令皆同近附近之近駢徐音肇劉音道李湯堯反沈徒刀反為干

偽反下為蹄齧同

疏

注釋曰馬與人異無先祖可尋而言祭祖者則天駟也故取孝經說房為龍馬是馬

之祖春時通淫求馬蕃息故祭馬祖先鄭云二歲曰駒三歲曰駢爾雅文云玄謂春通淫之時駒弱血氣未定為其乘匹傷之者論語孔子云血氣未定戒之在色馬亦如此故引之而言也按月令仲夏繫騰駒注云為其牝氣有餘相蹄齧彼牝氣有餘相蹄齧繫之不為駒弱者繫有二種此謂二歲者彼據馬之大者故不同也

夏祭先牧頒馬攻特注先牧始養馬者其人未聞夏通

淫之後攻其特為其蹄齧不可乘用鄭司農云攻特謂

驟之音義

蹄大計反又音啼後同驟音繒又音繩

疏

注釋曰知先牧是養馬者以其言先牧是

放牧者之先始知養馬者祭之者夏草茂求肥充也云
攻特者夏通淫後攻其特為其相蹄齧不可乘用故也

秋祭馬社臧僕注馬社始乘馬者世本作曰相士作乘

馬鄭司農云臧僕謂簡練馭者令皆善也玄謂僕馭五

路之僕音義

臧子即反相息亮反

疏

釋曰秋祭馬社者秋時馬肥盛可乘用故祭始乘馬者秋

而臧僕者亦秋時萬物成教之使善也

冬祭馬步獻馬講馭夫注馬步神

為災害馬者獻馬見成馬於王也馭夫馭貳車從車使

車者講猶簡習音義

見賢遍反下同從才用反

疏

注釋曰馬神稱步謂若玄冥之步人

鬼之步之類步與誦字異音義同云獻馬見成馬於王也者以秋時萬物成亦獻成馬於王也云馭夫馭貳車

從車使車者馭夫文也云講猶簡凡大祭祀朝覲會同習者亦謂秋時物成講之使成也

毛馬而頒之注毛馬齊其色也頒授當乘之音義

毛如字劉

莫報疏注釋曰此三者皆須馬從王知毛馬而頒之為反齊其色者按毛詩傳云宗廟齊豪尚純也戎事

齊力尚強也田獵齊足尚疾也爾雅亦云但雖據宗廟至於田獵軍旅既尚疾尚力亦尚色也故下云凡軍事物馬而頒之是尚力也詩云四騮彭彭武王所乘又云四鐵孔阜秦襄公以田是齊色不專據宗廟飾幣

馬執扑而從之注鄭司農云校人主飾之也幣馬以馬

遺人當幣處者也聘禮曰馬則北面奠幣于其前士喪

禮下篇曰薦馬纓三就入門北面交轡圉人夾牽之馭

者執策立于馬後音義

扑普卜反劉方疏注釋曰先鄭遺反遺惟季反云以馬當幣

處者見經云飾幣馬馬可飾幣非可飾之物又見下文凡國之使者共其幣馬注云使者所用私覲則知此直

以馬遺人無幣且王家遺人無廷實故覲禮勞侯氏用璧無庭實也引聘禮者案聘禮此謂賓入境展幣時布

幕訖皮則陳於幕上馬則於幕南北面奠幣於其前引之者證彼則有幣有馬引士喪禮下篇者據將葬朝廟

時陳設之事馬為擬乘車所駕故薦之纓三就者謂馬鞅三成飾之入門北面者陳之於廟庭也言交轡者士

兩馬二人牽之引之者證馬有飾之事也凡賓客受其幣馬注賓客之幣馬

來朝聘而享王者疏注釋曰言賓客來朝聘而享王者大行人云廟中將幣三享者是也

使客來聘享王者玉人職大喪飾遣車之馬及葬殯之

瑒圭璋璧琮以類聘者也

注言狸之則是馬塗車之芻靈音義

狸亡皆反疏釋曰本亦作埋

車則雜記注天子九乘芑大遣奠牲體乘別大牢芑九
个入壙藏之於椁內觚外者注釋曰云塗車之芻靈者
案檀弓孔子云塗車芻靈自古有之芻靈謂以芻草為
人馬神靈謂為俑者不仁俑謂所作偶人孔子善古而
非周則古以泥塗為車至周塗車仍存但刻木為人馬
替古者芻靈今鄭云塗車之芻靈則是仍用芻靈與檀
弓違者周實用俑但鄭舉古之芻
靈況周耳非謂周家仍用芻靈也 田獵則帥驅逆之車
注帥猶將也 疏釋曰驅逆之車田僕設之但校人主車馬帥領田僕而已 凡將事于
四海山川則飾黃駒注四海猶四方也王巡守過大山
川則有殺駒以祈沈禮與玉人職有宗祝以黃金勺前

馬之禮音義

沈直金反
劉直陰反

疏

釋曰謂王行所過山川設祭禮之然後去則殺黃駒以祭

之山川地神土色黃故用黃駒也注釋曰云四海猶四方也者王巡守唯至方岳不至四海夷狄故以四海為

四方云有殺駒以祈沈禮與者爾雅云祭山曰廋縣祭川曰浮沈今鄭云以祈沈者總解過山川二事言與者

爾雅據正祭此則行過之約與彼同故云與以疑之也引玉人職者案彼有大璋中璋邊璋過大山川用大璋

過中山川用中璋過小山川用邊璋下云黃金勺青金外朱中此三璋之勺也云黃金勺者即彼三璋之勺也

云前馬之禮者以黃金勺酌酒禮山川在馬牲前之禮引之者證過山川設禮用馬牲之事也凡國之

使者共其幣馬注使者所用私覲音義

使所吏反注同疏釋曰言國

之謂王使之下聘問諸侯王行禮後乃更以此幣馬私與主君相見謂之私覲諸侯之臣與君同行不得私覲

若特聘則有之則聘禮私覲是也若然上文飾幣馬是以馬遺人法非聘故無私覲前賓客來朝聘不言私覲者諸侯之臣於天子不敢行私覲故也凡軍事物馬而頒之注物馬齊其

力疏

注釋曰上朝會言毛馬鄭云齊其色此軍事言物馬鄭云齊其力物即是色而云齊力當與上文互

以見義欲見皆有力有色也

等馭夫之祿注馭夫於趣馬僕夫為中

舉中見上下疏

注釋曰掌養馬者有趣馬馭夫僕夫三者皆須等其祿獨云馭夫故鄭云舉中

見上

宮中之稍食注師圉府史以下也鄭司農云稍食

曰廩疏

注釋曰上云馭夫之等言士已上訖故知此是師圉府史以下中仍有胥徒之等也

趣馬掌贊正良馬而齊其飲食簡其六節注贊佐也佐

正者謂校人臧僕講馭夫之時簡差也節猶量也差擇

王馬以為六等疏

注釋曰鄭云佐正者校人臧僕講馭夫之時者以其校人是養馬官之長

校人既有此諸事而云佐正明佐此二者可知云差擇王馬六等即上種戎齊道田駕是也

掌駕說

之頒注用馬之第次音義

說始疏注釋曰凡用馬當均銳反勞逸故駕說須依次

第即頒是第次之序故知是用馬之第次也

辨四時之居治以聽馭夫注居

謂牧序所處治謂執駒攻特之屬音義

治直吏反注同序音雅後同

疏

釋曰云辨四時之居治者謂二月已前八月已後在廐二月已後八月已前在牧故云四時也云以聽馭

夫者以趣馬下士屬馭夫中士故云聽馭夫注釋曰云牧序者放牧之處皆有序廐以蔭馬也知治是執駒攻

特者以是校人之事趣馬
當佐之明是此二事也

巫馬掌養疾馬而乘治之相醫而藥攻馬疾受財于校

人注乘謂驅步以發其疾知所疾處乃治之相助也音

義

相息亮反注同

疏

釋曰巫知馬崇醫知馬疾疾則以藥治之崇則辨而祈之二者相須故巫助醫也云

受財者謂共馬死則使其賈粥之入其布于校人注布

泉也鄭司農云賈謂其屬官小吏賈二人粥賣也音義

賈音嫁

注同又音古粥音育

牧師掌牧地皆有厲禁而頒之注頒馬授圉者所牧處

疏釋曰言厲禁者謂可牧馬之處亦使其地之民遮護禁止不得使人輒牧牛馬也注釋曰圉人掌養馬者

故圉人職云掌養馬芻牧之事孟春焚牧注焚牧地以除陳生新草疏

釋曰孟春謂夏之孟春建寅之月草物將出之時燒焚牧地除陳草生新草也中春通淫注中

春陰陽交萬物生之時可以合馬之牝牡也月令季春

乃合累牛騰馬遊牝于牧秦時書也秦地寒涼萬物後

動音義中音仲注同累力追反劉音類疏注釋曰按月令季春乃合累牛騰馬遊牝於牧彼注云此

月可以合牛馬繫在廐者其牝欲遊則就牧而合之若然彼不繫在廐亦二月通淫則與此經合矣今此注以

為月令秦時書秦地寒涼萬物後動與掌其政令凡田彼注不同者鄭君兩解故彼此不同也

事贊焚萊注焚萊者山澤之虞疏

釋曰焚萊自是山澤之虞當二月焚萊除

陳生新之時則此官贊山澤之虞也

庾人掌十有二閑之政教以阜馬佚特教駢攻駒及祭馬祖祭閑之先牧及執駒散馬耳圉馬注九者皆有政教焉阜盛壯也詩云四牡孔阜杜子春云佚當為逸鄭司農云馬三歲曰駢二歲曰駒散讀為中散大夫之散謂聒馬耳毋令善驚也玄謂逸者用之不使甚勞安其血氣也教駢始乘習之也攻駒制其蹄齧者閑之先牧

先牧制閑者散馬耳以竹括押其耳頭動搖則括中物

後遂串習不復驚音義

佚音逸散素但反注同聒古活反母音無令力呈反下使令同

押音甲中物丁疏

注釋曰云掌十有二閑之政者此文與下九者為目故鄭云九者皆有政

教焉引詩者證阜為盛義也子春以佚為逸後鄭從之

增成其義先鄭散讀為中散太夫之散取音同也謂聒

馬無令善驚後鄭亦增成其義後鄭云閑之先牧先牧

制閑者以其通閑言之也若然上云夏祭先牧者直是

先養馬者非制閑之人正校人員選注校人謂師圉也正員選者

選擇可備員者平之疏

注釋曰知校人是師圉者凡言正者以尊正卑自趣馬以上並

上官非廋人所正馬八尺以上為龍七尺以上為駉六

故知所正者師圉

周禮注疏

尺以上為馬注大小異名爾雅曰駉牡驪牝玄駒鬻駉

鄭司農說以月令曰駕蒼龍音義

上時掌反下同牡茂后反驪力知反牡驪

絕句牝玄頻忍反絕句鬻奴了疏注釋曰引爾雅所釋反劉音繞郭璞音同劉義異鄭

疏釋詩駉牝三千但詩

直言牝不言牡爾雅之意以詩人美衛文公直牝有三千其實兼有牡故云駉中所有牡則驪色牝則玄色兼有駒鬻駉引之者證駉是馬色先鄭引月令者謂春之三月天子聽朔及祀帝皆駕蒼龍順時色引之以證龍是馬也

圉師掌教圉人養馬春除蓐釁廐始牧夏瘠馬冬獻馬射則克堪質茨牆則翦鬣注蓐馬茲也馬既出而除之

新釁焉神之也春秋傳曰凡馬日中而出日中而入故
字序為訝鄭司農云當為房玄謂房廡也廡所以庇馬
涼也充猶居也茨蓋也闔苫也堪質翦闔圍人所習也

杜子春讀堪為齊人言鉄堪之堪堪質所射者習射處

音義

蓐音辱茨在私反闔戶臘反訝五嫁反廡亡甫反
庇必二反又音祕苫傷占反鉄方符反射食亦反

疏

釋曰圉師即校人云良馬乘一師四圉者也云夏房
馬者即趣馬辨四時之居是也云冬獻馬者即校人

冬獻馬尊卑連事相成者也注釋曰春秋傳者左氏莊
二十九年新延廡書不時延廡當於馬時故云凡馬日
中而出日中而入謂春分秋分時今之孟春新延廡故
云不時也云圉人所習也者莖取堪斬莖則苫蓋之類

也皆圉人所習之事子春云椹質所射者習射處者按司弓矢云澤則共椹質之弓矢此云射則克椹質皆謂澤宮中試弓習武事所克也

圉人掌養馬芻牧之事以役圉師注役者圉師使令馬

疏

注釋曰乘馬一師四圉四圉人受圉師之所使令馬

凡賓客喪紀牽馬而入陳

注賓客之馬王所以賜之者詩云雖無予之路車乘馬

喪紀之馬啟後所薦馬疏

釋曰雖同牽馬入陳但賓客與喪紀所陳有異何者若據

賓客則在館天子使人就館而陳之若喪紀則謂將葬朝廟時既夕禮薦馬纓三就者是也天子朝廟亦當在祖廟中陳設明器之時亦遣人薦馬及纓入廟陳之此馬謂擬駕乘車吉器最先者也 廡馬亦如

之注廠馬遣車之馬人捧之亦牽而入陳音義

捧衆家並扶恭

反疏

注釋曰此遣車之馬遣車則天子九乘載所苞遣奠以入壙皆人捧之云亦牽而入陳者亦於祖廟

陳此明器也但遣車及馬各使人別捧故上注云行則解脫之是也

職方氏掌天下之圖以掌天下之地辨其邦國都鄙四

夷八蠻七閩九貉五戎六狄之人民與其財用九穀六

畜之數要周知其利害注天下之圖如今司空輿地圖

也鄭司農云東方曰夷南方曰蠻西方曰戎北方曰貉

狄玄謂閩蠻之別也國語曰閩芊蠻矣四八七九五六

周之所服國數也財用泉穀貨賄也利金錫竹箭之屬
害神姦鑄鼎所象百物也爾雅曰九夷八蠻六戎五狄

謂之四海音義

閩亡巾反又音文又亡干反漢書音義服虔音近蠻應劭音近文鄭氏音是貉

孟白反畜許又反下皆同羊亡氏反劉音如羊
鳴近米李云今周禮本或無此字國語則有疏

釋曰此文

與下為目云辨其邦國據畿外諸侯都鄙據畿內采地
先邦國尊諸侯也云四夷者據四方之夷總目諸方以
九貉當東夷之處注釋曰太司徒云掌建邦之土地之
圖注云地之圖若今司空郡國輿地圖此注不言郡國
者彼直掌九州不言夷狄九州之內有邦國故以郡國
言之此職方兼主夷狄夷狄中漢時不置郡國惟置校
尉掌之故此注亦不言郡國也先鄭云東方曰夷者以
經云四夷即為東夷也然夷之數皆言九於此獨言四

不得即以爲始此不先言九夷者以其已有四夷之名爲目不可重言九夷故先從南數之又云北方曰貉狄者先鄭既以四夷爲東方夷即以貉狄總屬北方也玄謂閩蠻之別也國語曰閩蠻蠻矣者按鄭語史伯曰蠻芊蠻矣注云謂上言叔熊避難於濮蠻隨其俗如蠻人也故曰蠻彼不作閩者彼蓋後人轉寫者誤鄭玄以閩爲正叔熊居濮如蠻後子從分爲七種故謂之七閩也按經閩雖與蠻七八別數其本是一俱屬南方也云四八七九五六周之所服國數也者鄭志趙商問職方氏掌四夷八蠻七閩九貉五戎六狄之數注云周之所服國數禮記明堂位曰周公六年制禮作樂朝諸侯於明堂有朝位服事之國數夷九蠻八戎六狄五兩禮之事異未達其數鄭答職方氏四夷四方夷狄也九貉即九夷在東方八蠻在南方閩其別也戎狄之數或六或五兩文異爾雅惟有其數耳皆無別國之名按未甚明故不定若然爾雅之數與明堂同皆數耳無別國之名

校其錯可知今五六者正是數耳其事鄭不甚明之未知何者是故不定兩禮俱從是以不著其錯誤按詩序云蓼蕭澤及四海注云九夷八狄七戎六蠻謂之四海復與爾雅及禮皆不同者蓼蕭或後人傳寫者誤當以爾雅與禮為正也云財用泉穀貨賄也者財用為泉穀貨財疏已備九賦者也云利金錫竹箭之屬者按下經其利有金錫竹箭之屬是也云害神姦鑄鼎所象百物也者宣三年楚子問鼎之輕重王孫滿對云夏之方有德遠方圖物貢金九牧鑄鼎象物百物而為之備使民知神姦是也引爾雅者見數與此不同之意也乃辨九州之國使同貫利注貫事也疏釋曰職方主九州州之國貫事也使同東南曰揚州其山鎮曰會稽其澤其事利不失其所也

藪曰具區其川三江其浸五湖其利金錫竹箭其民二

男五女其畜宜鳥獸其穀宜稻注鎮名山安地德者也

會稽在山陰大澤曰藪具區五湖在吳南浸可以為陂

灌漑者錫鑱也箭篠也鳥獸孔雀鸞鵠鴈犀象之屬故

書箭為晉杜子春曰晉當為箭書亦或為箭音義

會古反

藪素口反區起俱反浸子鴆反本又作寢陂彼宜疏釋

反溉古愛反

鑱

音

臘

篠

素

了

反

鵠

音

交

鵠

音

精

疏

釋

曰

自此已下陳九州之事總為三道陳之先從南方起蓋

取尊其陽方周改禹貢以徐梁二州合之於雍青分冀

州地以為幽并東南曰揚州次正南曰荊州周之西南

不置州

統屬

雍州

即次

河南

曰

豫州

為一

道也

次

正

東

曰

青州

次

河東

曰

幽州

次

河內

曰

冀州

次

正

北

曰

并州

為二

道又

次

東

北

曰

幽州

次

河內

曰

冀州

次

正

北

曰

并州

為三

道若

禹

貢治水則為二道又先從下起與此異也然既以徐梁
二州合之於雍青其二道則以冀兗青徐為一道揚荆
豫梁雍為二道云其山鎮曰會稽者九州皆有鎮所以
安地德一州之內其山川澤藪至多選取最大者而言
故鄭云曰其大者也注釋曰云會稽在山陰自此以下
所說山川之等一則目驗而知二則依地理志而說又
所曉處所皆舉郡縣而言云會稽在山陰山陰縣名按夏
本紀太史公曰或言禹會諸侯於江南計功而崩因葬焉
命曰會稽會稽者會計也皇覽曰禹冢在山陰會稽山本
苗山縣南七里越傳曰禹到越望苗山會諸侯爵有德封
有功者更名苗山曰會稽山因疾死葬棺穿壙深七尺
壇高三尺土階三寸周方三畝呂氏春秋云禹葬會稽
不煩人徒墨子曰禹葬會稽衣裘三領桐棺三寸地理
志云山上有禹井禹祠相傳云下有羣鳥耘田焉是說
會稽之事也云大澤曰藪者按澤虞職大澤大藪注水
鍾曰澤水希曰藪則澤藪別矣今此云大澤曰藪為一

物解之者但澤藪相因亦為一物故云大澤曰藪也云其區五湖在吳南者吳縣名依地理志南江在吳南震澤在西通而言之亦得在吳南具區即震澤一也云浸可以為陂灌溉者謂灌溉稻田者也云箭篠也箭一名篠故禹貢云篠蕩是一物二名也云鳥獸孔雀鸞鷄鵠者解鳥也云犀象者解獸也驗時見有此鳥獸故據言焉按禹貢云九江今在廬江尋陽南皆東合為大江揚州所以得有三江者江至尋陽南合為一東行至揚州入彭蠡復分為三道而入海故得有三江也

正南曰荊州其山鎮曰衡山其

澤數曰雲曹其川江漢其浸潁湛其利丹銀齒革其民一男二女其畜宜鳥獸其穀宜稻注衡山在湘南雲曹在華容潁出陽城宜屬豫州在此非也湛未聞齒象齒

也革犀兕革也杜子春云湛讀當為人名湛之湛湛或

為淮音義

曹亡貢反劉亡鳳反李一音亡雄反疏釋曰其反湛直減反劉又音沈李唐感反

者揚州云三江不言漢此荆州直言江不言三兼云漢者此州江未分為三故直云江此州有漢水過焉故江漢並言也上文揚州云其利金錫竹箭不云丹銀齒革按禹貢荆揚二州俱云貢金三品則二州通有金錫也其民一男二女多於揚州其畜穀與揚州同注釋曰云雲耆在華容者按禹貢荆州雲土夢作乂得為澤者按彼注云其中有平土丘水去可為作畝畝之治則此據有水之處亦得為澤也云潁出陽城宜屬豫州在此非也者鄭據地理志故知合在豫州又昭元年王使劉定公勞趙孟于潁亦在豫州故破之云湛未聞者據地理志無文未知何處也云齒象齒也者對則齒牙別通而言之牙亦得為齒故詩頌云元龜象齒是牙齒通也云

革犀兕革也者以其利則可貢所貢之革惟用為甲故
函人有犀兕春秋云犀兕尚多子春云湛讀當為人名
湛之湛俗讀也湛
或為淮不從也 河南曰豫州其山鎮曰華山其澤藪

曰圃田其川滎雒其浸波澨其利林漆絲枲其民二男
三女其畜宜六擾其穀宜五種注華山在華陰圃田在
中牟滎兗水也出東垣入于河決為滎滎在滎陽波讀
為播禹貢曰滎播既都春秋傳曰楚子除道梁澨營軍
臨隨則澨宜屬荊州在此非也林竹木也六擾馬牛羊
豕犬雞五種黍稷菽麥稻音義

華如字劉胡化反圃布
古反滎戶局反澨音詐

左傳音同李莊加反字林同劉昨雖反云與音大不同
故今從高貴公衆思似反擾而少反徐劉音饒中如字
牟莫侯反李中音仲年又無不反洪音疏注釋曰云榮
逸播音波下同都張魚反本或作豬
禹貢濟出王屋始出兗東流為濟南渡河洸為滎春秋
戰於滎澤是也云出東垣者地理志文也云波讀為播
者按禹貢有播水無波故引禹貢為證也春秋者左氏
莊四年傳文云林竹木也者地官山林別官故鄭注云
竹木生平地曰林今許州見平地多林木故云林竹木
也云六擾馬牛羊豕犬雞者此與爾雅六畜及周禮六
牲一也必知五種是黍稷菽麥稻者此州東與青州相
接青州有稻麥西與雍州相接雍州有黍稷故知有此
四種但此九州不言麻與菽及苽鄭必知取
菽者蓋以當時目驗而知故添為五種也

正東曰青

州其山鎮曰沂山其澤藪曰望諸其川淮泗其浸沂沭

其利蒲魚其民二男二女其畜宜雞狗其穀宜稻麥注

沂山沂水所出也在蓋望諸明都也在睢陽沭出東莞

二男二女數等似誤也蓋當與兗州同二男三女鄭司

農云淮或為睢沭或為沭音義

沂魚祈反泗音四沭音述李音餘戎反明都禹

貢作孟豬今依書讀睢音綏莞音管劉音灌沭音殊

疏注釋曰鄭知沂山沂水所出者沂水出沂山水乃取

名於山故知沂水出焉云在蓋者蓋亦縣名按禹貢云海岱及淮惟徐州又云淮沂其乂注云淮沂二水名地

理志沂水出今大山蓋縣不在青州者周公以禹貢徐州地為青故也云望諸明都也者按禹貢云道柯澤被

明都彼禹貢無望諸故從明都按春秋宋藪澤有孟諸明都即宋之孟諸者也經有淮泗不言者以上文有江

及此淮并下文河鄭皆不言所在者以四瀆之名入皆知之故略而不言也按禹貢淮出桐柏泗水在魯國出濟陰乘氏東又至零陵入淮行千二百一十里沐出東莞屬瑯琊南至下邳入泗云二男二女數等似誤也者若本有此數等當言一男一女明不作二男二女青州西北與兗州相接宜與兗州同二男三女也河東

曰兗州其山鎮曰岱山其澤藪曰大野其川河涕其浸盧維其利蒲魚其民二男三女其畜宜六擾其穀宜四種注岱山在博大野在鉅野盧維當為雷雍字之誤也

禹貢曰雷夏既澤雍沮會同雷夏在城陽四種黍稷稻麥音義野如字劉音與涕子禮反盧音疏注釋曰博與雷維於恭反鉅音巨沮七餘反鉅野皆郡縣

名破盧維為雷雍者地理志禹貢無盧維又字類雷雍故破從之引禹貢為證也知四種黍稷稻麥者以其東與青州相接青州有稻麥西與冀州相接冀州有黍稷故知也正西曰雍州其山鎮曰

嶽山其澤藪曰弦蒲其川涇汭其浸渭洛其利玉石其民三男二女其畜宜牛馬其穀宜黍稷注嶽吳嶽也及

弦蒲在汧涇出涇陽汭在豳地詩大雅公劉曰汭坻之

即洛出懷德鄭司農云弦或為汧蒲或為浦音義

雍於用反

下注州名同汭如銳反李又而類反汧徐口千反劉疏苦見反李一音空定反豳彼貧反坻弓六反詩作鞠釋曰云其利玉石藍田見有玉山出玉石以為利者也其穀宜黍稷見雍州宜麥不言者但黍稷麥並宜以黍

稷為主注釋曰云嶽吳嶽也及弦蒲在汧者按地理志吳山在汧西有弦蒲之藪汧水出焉西北入渭渭出鳥鼠山也云汧在豳地詩大雅公劉曰汧坵之即若然汧為水名按彼毛傳云芮水厓也箋云芮之言內也水之內曰隄水之外曰鞠就澗水之內外而居與此義違者按詩上云夾其皇澗邇其過澗故以芮鞠為外內今為水名者蓋周公制禮之時以汧為水名汧即皇澗名曰汧耳猶禹貢大岳至周為霍山也云洛出懷德者此洛即詩云瞻彼洛矣一也與禹貢導洛自熊耳者別也以其彼洛出上洛經王城至虎牢入河東北曰

幽州其山鎮曰醫無閭其澤藪曰豸養其川河涕其浸
菑時其利魚鹽其民一男三女其畜宜四擾其穀宜三
種注醫無閭在遼東豸養在長廣菑出萊蕪時出般陽

四擾馬牛羊豕三種黍稷稻杜子春讀穞為奚音義

穞音

分般步干反

疏

注釋曰云譬無間在遼東者目驗知之漢光武十三年以遼東屬青州二十四年還屬幽

州云穞養在長廣者長廣縣名地理志長廣屬徐州瑯琊有萊山周時幽州南侵徐州之地也知三種黍稷稻者西與冀州相接冀州有黍稷幽州見宜稻故知三種黍稷稻也

河內曰冀州其山鎮

曰霍山其澤數曰楊紆其川漳其浸汾潞其利松柏其

民五男三女其畜宜牛羊其穀宜黍稷注霍山在冀楊

紆所在未聞漳出長子汾出汾陽潞出歸德音義

紆於反

汾扶文反潞音路長子丁

疏

注釋曰其利松柏霍山見有松柏出焉云霍山在冀

者巍則厲王流于彘後為縣名漢改為永安縣按禹貢既脩大原至于岳陽覃懷底績至于衡漳注云岳陽大原之南漳水橫流入河地理志大原今為郡名大岳在河東彘縣東名霍大山覃懷為縣名屬河內漳水出上黨沾大壺谷東北至安平阜城入河行千六百正北曰八十里始是長子即上黨也汾陽歸德皆縣名

并州其山鎮曰恒山其澤藪曰昭餘祁其川虥池嘔夷其浸洩易其利布帛其民二男三女其畜宜五擾其穀宜五種注恒山在上曲陽昭餘祁在鄆虥池出鹵城嘔夷祁夷與出平舒洩出廣昌易出故安五擾馬牛羊犬豕五種黍稷菽麥稻也凡九州及山鎮澤藪言曰者以

其非一曰其大者耳此州界揚荊豫兗雍冀與禹貢略

同青州則徐州地也幽并則青冀之北也無徐梁音義

序喚胡反李呼哥反又香刑反池徒多反李如字嘔烏
侯反一音驅鄔徐於據反縣名屬太原劉烏古反鹵音

魯疏

注釋曰上曲陽鄔鹵城平舒廣昌故安皆按地理
志知之云五擾馬牛羊犬豕者六擾中雞為緩故

去之云五種黍稷菽麥稻也者若饋用六穀則兼有菰
若民之要用則去菰故知是此五者周公設經六擾之
內三擾已上則言擾二擾則指獸名若三四不滿六者
從下次去之六穀之內三種已上即言種二者則指穀
名云凡九州及山鎮澤藪言曰者以其非一曰其大者
耳者但一州之內山川多少各有其一而言曰故云曰
其大者云此州界揚荊豫兗雍冀與禹貢略同者不失
本處雖得舊處猶有相侵入不得正故云略同若周之

兗州於禹貢侵青徐之地周之青州於禹貢侵豫州之地周之雍豫於禹貢兼梁州之地周之冀州於禹貢小於禹貢時冀州以其北有幽州并州故知也周之九州無徐梁禹貢有徐梁無幽并爾雅云兩河間曰冀州河南曰豫州濟東曰徐州河西曰雍州漢南曰荊州江南曰揚州燕曰幽州濟河間曰兗州齊曰營州詩譜曰雍梁荊豫徐揚之民咸被其化數不同者禹貢所云堯舜法爾雅所云似夏法詩譜所云似殷法亦禹貢與三代不同是以州名有異自古以來皆有九州惟舜時暫置十二州至夏還為九州故春秋云夏之方有德也貢金九牧是也但自神農已上有大九州柱州迎州神州之等至黃帝以來德不及遠惟於神州之內分為九州故括地象云崑崙東南萬五千里名曰神州是也九州之內所有山川或有解出其處者至如江河淮泗漢洛等不釋所出者此等皆禹貢有成文如彼導洛自熊耳導渭自鳥鼠導河自積石導江自岷山導淮自桐柏導漢

自嶠冢為此故不言也至於禹貢雖言義理不明者此亦辨之若禹貢涇屬渭汭彼直言涇水入渭不言導之所從如此之類皆煩釋其所出也乃辨九服之邦國方千里曰王畿其

外方五百里曰侯服又其外方五百里曰甸服又其外方五百里曰男服又其外方五百里曰采服又其外方五百里曰衛服又其外方五百里曰蠻服又其外方五百里曰夷服又其外方五百里曰鎮服又其外方五百里曰藩服注服服事天子也詩云侯服于周疏釋曰此仍除王畿為數故從其外已下為九也此九服之名言侯者侯之言候為王斥候言甸者甸之言田為王治田

出稅言男者男之言任也為王任其職理采者事也為王事民以供上言衛者為王衛禦言蠻者近夷狄蠻之言廩以政教廩來之自此已下皆夷狄諸言夷者以其在夷狄中故以夷言之言鎮者以其入夷狄深故須鎮守之言藩者以其最在外為藩籬故以藩為稱蠻服大司馬謂之要服言要亦是要求為義自侯服已下各舉一邊為號皆互而通也其夷狄三服亦自互而相通是以大行人總謂之藩國世一見也注釋曰此總解服之意引詩云侯服于周者見諸侯皆服事于周之義故稱服也凡邦國千里封公以方

五百里則四公方四百里則六侯方三百里則七伯方二百里則二十五子方百里則百男以周知天下注以此率徧知四海九州邦國多少之數也方千里者為方

百里者百以方三百里之積以九約之得十一有奇云
七伯者字之誤也周九州之界方七千里七七四十九
方千里者四十九其一為畿內餘四十八八州各有方
千里者六周公變殷湯之制雖小國地皆方百里是每
事言則者設法也設法者以待有功而大其封一州之
中以其千里封公則可四又以其千里封侯則可六又
以其千里封伯則可十一又以其千里封子則可二十
五又以其千里封男則可百公侯伯子男亦不是過也

州二百一十國以男備其數焉其餘以為附庸四海之
封黜陟之功亦如之雖有大國爵稱子而已鄭司農云
此制亦見大司徒職曰諸公之地方五百里諸侯之地

方四百里諸伯之地方三百里諸子之地方二百里諸

男之地方百里音義

率音律又音類編音遍
奇紀宜反見賢遍反

疏釋曰言

者畿外要服已內有八州州別置二百一十國總有千
六百八十國故云凡也云千里封公以方五百里則四
公者八州州別有千里之方六取一千里以封公又取
一千里以封侯又取一千里以封伯又取一千里以封
子又取一千里以封男一州總取千里之方充五等諸
侯其不滿二百一十國者更取餘一千里方作男國者

備之使滿餘剝地作附庸閒田八州皆然總結之以周知天下注釋曰云以此率者八州皆為此法故云以此率也云徧知四海九州邦國多少之數也者釋經周知天下也云方千里者為方百里者百以方三百里之積以九約之得十一有奇者云方千里開方之百里一截縱橫皆為十截十十而百則得為方百里者百云以方三百里之積以九約之者方三百里三三而九用為方百里者九十九為十一伯餘有方百里者一不盡故云十一有奇也今經云方三百里則七伯故言云七伯者字之誤也以十一似七字故云字之誤也云周九州之界方七千里者以先王之作土有三馬若太平之時土廣萬里中國七千中平之世土廣七千中國五千衰末之世土廣五千中國三千王制云公侯方百里伯七十里子男五十里此是夏制五等爵三等受地殷湯承之合伯子男為一惟有公侯伯三等爵三等受地與夏同武王伐紂增以子男爵地與夏同以九州之界尚狹故

也至武王崩成王幼不能踐阼周公攝政六年致太平制禮成武王之意斥大九州九州方七千里五等之爵五等受地則此經所云者是也故云周九州之界方七千里云七七四十九方千里者四十九其一為畿內其餘四十八州各有方千里者六周公變殷湯之制雖小國地皆方百里者若然殷三等爵三等受地地有百里七十者五十里至周公無間有功無功皆益滿百里以其不滿百里不成國故也既皆滿百里其餘待有功乃益之地公有功益滿五百里侯有功益滿四百里伯有功益滿三百里子有功益滿二百里男有功只得百里更有功乃更進之與子爵云是每事言則者設法也設法者以待有功而大其封者必知不即封而言設法以待有功者以其稱公者惟有二王後及東西大伯今八州皆言方千里封公則四公八州豈有三十二公乎明知五者皆是設法以待有功乃大其封也若無功縱本是公爵惟守百里地謂若虞公虢公舊是殷之公至

周仍守百里國以無功故也故注王制云是以周世有
爵尊而國小爵卑而國大云一州之中以其千里封公
則可四又以其千里封侯則可六又以其千里封伯則
可十一又以其千里封子則可二十五又以其千里封
男則可百鄭云此者欲計一州須滿二百一十國之意
云公侯伯子男亦不是過也者五百里以下若過五百
里則是特賜法若魯衛之等是也云州二百一十國者
此據王制文彼下又云天子縣內九十三國凡九州千
七百七十三國是通畿內外為數並是殷周國數也既
以州有千里之方六已用五个千里方為前五等國數
以前公國已得四侯六伯十一子二十五男百總得一
百四十六於二百一十國仍少六十四鄭云以男備其
數必知以男備其數者若不以男備數則餘千里者一
充數不足何得更餘為附庸若然則更取餘方一千里
開方之得百里之方百於前侯國六用千里方仍有二
百里方一開方之得四个男國於前伯國十一用千里

方一又得一个男國得此五國添前一百四十六為一百五十一仍少五十九更取餘千里方一開方之得百里之方百取五十九為五十九國添前百五十一得二百一十國餘仍殘百里之方四十一鄭云其餘以為附庸者以附庸不滿百里故也王制兼開田而言此直云為附庸文略不具其實人作附庸即受之無附庸則為開田使大夫治之以利民稅若周之畿內四等公邑者也云四海之封黜陟之功亦如之者鄭以上經九服總言此經惟言要服已內九州不言四海夷狄諸侯故鄭兼見四海夷鎮藩言黜陟之功亦如之者亦皆有百里二百里地有功者進地得與侯伯三百四百同但不進爵耳無功有過則退之云雖有大國爵稱子而已者曲禮云其在東夷北狄西戎南蠻雖大曰子鄭注云凡邦雖有侯伯之地爵亦無過子是以同名曰子是也

國小大相維注大國比小國小國事大國各有屬相維

聯也音義

比毗志反下文比小國并注同

疏

注釋曰春秋之世小國朝大國大國聘小國又有敵

國自相聘是以司儀公侯伯子男相為賓又相為國客故易比象云先王以建萬國親諸侯又王制云五國以正二百一十國以為州州有伯彼雖是殷之諸侯亦是各有屬相維聯之事也故鄭據而言也王設其牧注選諸侯之賢者為牧

使牧理之疏

注釋曰此即大宰云建其牧是也按大宗伯注并曲禮注皆兼伯而言此直言諸侯

者以侯為主無賢侯乃兼伯可也

制其職各以其所能注牧監參伍之

屬用能所任秩次疏

注釋曰此即大宰云設官分職彼下文又云施典於邦國而建其牧

立其監設其參傳其伍陳其殷置其輔也云用能所任秩次者稱其所任則以次祿秩之制其貢各

以其所有注國之地物所有疏

注釋曰諸侯國無貢於王法民間得稅大國半

次國三之一小國四之一皆市取當國所有以貢於王即大率九貢小行人云春八貢及禹貢厥篚厥貢之類

是也故鄭云國之地物所有也王將巡守則戒于四方曰各脩平乃守

攷乃職事無敢不敬戒國有大刑注乃猶女也守謂國

竟之內職事所當共具音義

女音汝竟音境共音恭又九用反

疏

釋曰職方

氏既主四方諸侯故至十二年王將巡守之時先以文書戒勅于四方白各修汝當國所守境內待王之務無得失所又當考校汝所擬供王職事及王之所行先道若不敬戒國有大刑大刑謂殺之也

帥其屬而巡戒令注先道先由王所從道居前其前

日所戒之令疏

釋曰此謂王將發行之時即在王前巡行前日所施戒令豫備之等如前所施

與王殷國亦如之注殷猶衆也十二歲王若不巡守則

六服盡朝謂之殷國其戒四方諸侯與巡守同音義朝

遙疏釋曰王有故不巡守於方岳之下則春東方盡來反夏南方盡來秋西方盡來冬北方盡來王待之亦

各於其時在國外為壇行朝覲盟載之法若然則王自在國外為之而云亦如之者亦如上文戒令四方諸侯者王殷國所在無常或在畿內國城外即為之或向畿外諸侯之國行之故有戒令之事也

土方氏掌土圭之法以致日景注致日景者夏至景尺

有五寸冬至景丈三尺其間則日有長短音義景如字疏

注釋曰按玉人職土圭尺有五寸以致日先鄭注大司徒以為於潁川陽城夏至晝漏半立八尺之表表北得尺五寸景適與土圭等則為地中以建王國也冬至景丈三尺者亦於潁川陽城晝漏半立八尺表表北得丈三尺景亦為地中云其間則日有長短者謂冬至日極短夏至日極長其極長極短之間冬至後日漸長夏至後日漸短假令冬至日南至之後日漸北之時日行大分六小分四大分者一寸為十分小分者十分寸之一分又為十分但日景一寸則於地千里大分一為百里小分一則為十里則冬至後日向南行六百四十里但冬至丈三尺景除本尺五寸外加丈一尺五寸從冬至至春分晝夜等之時則減五尺七寸半景從春分到夏至又減五尺七寸半景則減晝丈一尺五寸惟有尺五寸在以為夏至之景南戴日下萬五千里謂之地中故云其間則以土地相宅而建邦國都鄙注土地又度地日有長短也

知東西南北之深而相其可居者宅居也音義相息亮反注同

度大洛反疏釋曰上經據建王國度地瀆此經據封畿外及畿內都鄙注釋曰景一寸差千里一

分則百里但封邦國都鄙無過五百里已下則取分無取於寸一分則百里為男國亦為大都已上差之二分

則二百里子國已外可知若小都五十里則為小分五分若大夫二十五里則為小分二分半言東西南北之

深者景侵入為深地之遠近里數侵入亦為深也言相宅者既欲度景先相所居乃後度之以辨土

宜土化之灋而授任地者注土宜謂九穀植穉所宜也

土化地之輕重糞種所宜用也任地者載師之屬音義

植張力反穉直疏釋曰既為土方氏非直度地相宅亦吏反種章勇反疏當相地所宜故頒辨土宜并土化之

灋而授任地者此謂以書作灋授之注釋曰九穀之文
出於九職言土宜明是土地所宜故以此解之云土化
地之輕重糞種所宜用也者謂若草人職掌糞種之灋
地有九種輕重不同其所用糞種若用廩用牛之等是
也云任地者載師之屬者載師掌任地
事下文廩里已下皆是任地之事也
王巡守則樹王

舍注為之藩羅疏

注釋曰謂若掌舍設控極之時則此官亦為王於外周币樹藩羅

懷方氏掌來遠方之民致方貢致遠物而送逆之達之

以節注遠方之民四夷之民也諭德延譽以來之遠物

九州之外無貢灋而至者達民以旌節達貢物以璽節

疏

釋曰既職名懷方懷來也故來遠方之民及致方貢之等注釋曰知諭德延譽以來之者經直言來遠方

不言別有餘事故惟曉諭以王之德美又延引以王之
美譽以招來之云遠物九州之外無貢灋而至者此經
上云致方貢謂六服諸侯又云致遠物宜是藩國是以
大行人上云侯服世一見其貢祀物之等下文云藩國
世一見各以貴寶為贄文與此相當故知義然也知達
民以旌節達貢物以璽節者達民則行道路貢物即是
貨賄故掌節云道路用旌節貨賄以璽節是也治其委積館舍飲食注續食其
往來音義續食疏注釋曰按遺人云十里有廬廬有飲
音嗣疏食三十里有宿宿有委五十里有市
市有積司儀云遂行如入
之積是續食其往來也

合方氏掌達天下之道路注津梁相奏不得陷絕音義

奏采豆反疏釋曰官名合方氏當使天通其財利注茂
本或作湊疏下和合故通達天下道路

遷其有無疏

注釋曰按尚書益稷云懋遷有無化居禹治水後懋勉天下徙有之無易其居積若

材木徙川澤魚鹽徙山林是通其財利

同其數器注權衡不得有輕重疏

注釋曰施教設治之方先須均其度量權衡是以天子巡守及王者新升皆為此事故堯典及舜典明堂位皆

陳數器之等鄭知此數器是權衡者下別見度量故知義然

壹其度量注尺丈釜鍾

不得有大小疏

注釋曰此云壹即上同也鄭云不得有大小者按律歷志以子穀秬黍中者九

十黍黃鍾之長千二百黍其實一龠合龠為合十合為升十升為斗十斗為斛百黍為銖二十四銖為兩十六

兩為斤三十斤為鈞四鈞為石一黍為一分十分為寸十寸為尺十尺為丈十丈為引是五度五量皆有大小

也

除其怨惡注怨惡邦國相侵虐疏

注釋曰合方氏欲使人和合故除其

邦國相怨惡即相侵伐及相虐殺之等也同其好善注所好所善謂風俗所

高尚音義

好呼報反注及下同疏注釋曰按孝經樂以高如字劉古到反移風易俗既風俗別

言則風俗異矣風謂政教所施故曰上以風化下又云風以動之是也俗謂民所承襲故曰君子行禮不求變俗是也風所高解好俗所尚解善也

訓方氏掌道四方之政事與其上下之志注道猶言也

為王說之四方諸侯也上下君臣也音義

為于偽疏釋反下同

訓方氏訓四方美惡而向王言之誦四方之傳道注傳

道世世所傳說往古之事也為王誦之若今論聖德堯

舜之道矣故書傳為傳杜子春云傳當作傳書亦或為

傳音義

傳直專反注同

疏

釋曰上所云政事及上下之志知則向王道未必誦之此又古昔之善道

恒誦之在口王問則為王誦之以其善道可傳故須誦之

正歲則布而訓四方注布

告以教天下使知世所善惡疏

注釋曰正歲謂夏之建寅正月則布告前所道

所誦之事教天下使知世所善惡也

而觀新物注四時於新物出則觀之

以知民志所好惡志淫行辟則當以政教化正之音義

惡鳥路反行下

疏

注釋曰此訓方觀新物知民善惡之孟反辟匹亦反情謂若王制云命市納賈以知民之

所好惡志淫行僻則當以政教化正之與此為類故鄭引以釋經也

形方氏掌制邦國之地域而正其封疆無有華離之地

注杜子春云離當為雜書亦或為雜玄謂華讀謂𡵓𡵓

之𡵓正之使不𡵓邪離絕音義

華依注音𡵓苦哇反𡵓劉羊售反沈且笑反邪

似嗟疏

釋曰形方氏主知四方土地形勢故使掌作邦國之地域大小形勢又當正其封疆勿使相侵

注釋曰王者地有𡵓邪離絕遞相侵入不正故今正之𡵓者兩頭寬中狹邪者謂一頭寬一頭狹云𡵓𡵓之𡵓者投壺禮主人云枉矢𡵓壺使小國事大國大國比小

國注比猶親也易比象曰先王以建萬國親諸侯疏曰

此亦如上職方氏云大小相維義同注言親諸侯使諸侯相親遞相朝聘是也

山師掌山林之名辨其物與其利害而頒之于邦國使

致其珍異之物注山林之名與物若岱畎絲枲嶧陽孤

桐矣利其中人用者害毒物及螫噬之蟲獸音義犬反

劉孤茗反又孤善反嶧音亦疏釋曰此山師及下川師

螫音釋劉呼洛反噬音逝原師等皆是遙掌畿外

邦國之內山川原隰之等使出稅珍異以供王家也注

釋曰按禹貢青州云岱畎絲枲畎谷也岱山之谷有之

徐州云嶧陽孤桐孤特也嶧山之陽特生之桐中為琴

瑟云害毒物及螫噬之蟲者謂虻蛇蝮蝎之屬也岱畎

嶧陽是其名絲枲
孤桐是其物也

川師掌川澤之名辨其物與其利害而頒之于邦國使

致其珍異之物注川澤之名與物若泗濱浮磬淮夷蠙

珠暨魚澤之萑蒲

音義

蠙薄田反劉扶忍反沈音蠙

疏

注釋曰徐州云泗濱浮磬淮夷蠙珠暨魚注云泗水涯水中見石可以為磬蠙珠名淮夷二水出蠙珠與美

魚

邈師掌四方之地名辨其丘陵墳衍邈隰之名注地名

謂東原大陸之屬音義

墳扶

云反疏

釋曰

爾雅釋地高平曰原此雖以原為主除山

林川澤四者餘丘陵墳衍原隰六者皆主之故云辨其丘陵已下也按鄭注大司徒云土之高者曰丘大阜曰

陵水涯曰墳下平曰衍高平曰原下濕曰隰皆有名物注釋曰尚書禹貢有東原底平大陸既作是地名也

之可以封邑者注物之謂相其土地可以居民立邑音

義

相息亮反

疏

注釋曰按小司徒云四井為邑據田中千室之邑據城二者皆須相其物色善惡然後封

民

匡人掌達灋則匡邦國而觀其慝使無敢反側以聽王

命注灋則八灋八則也邦國之官府都鄙亦用焉慝姦

偽之惡也反側猶背違灋度也書曰無反無側王道正

直音義

慝他得反背音佩

疏

釋曰匡正也所以正人故掌通達灋則於天下邦國而觀其慝使無

慝惡使無敢反側也注釋曰云灋則八灋八則者按太宰云八灋治官府八則治都鄙謂王朝官府及畿內都

鄙令云以灋則匡正邦國而觀其憲即據諸侯外內雖殊八灋八則治官府都鄙則同故治諸侯之官府都鄙亦用焉云背違灋度者即是違灋則也書者洪範皇極之章

揮人掌誦王志道國之政事以巡天下之邦國而語之

注道猶言也以王之志與政事論說諸侯使不迷惑音

義

語魚據反說如字劉尺銳反

疏

釋曰誦王志者在心為志欲得使天下順從若揮取王之此志又道

國之政事用此二事以巡國而語之使不迷惑而向王

使萬民和說而正王面注

面猶鄉也使民之心曉而正鄉王音義

說音悅鄉許亮反下同

疏

釋曰以上二事向諸侯說之使諸侯化民而萬民正向于王

都司馬掌都之士庶子及其衆庶車馬兵甲之戒令注

庶子卿大夫士之子車馬兵甲備軍發卒疏

釋曰此王都司馬故

序官注都王子弟所封及三公采地也司馬主其軍賦
故此云掌都之士庶子按官伯注云士適子庶子其支
庶此都之士庶子亦然云及其衆庶車馬兵甲之戒令
者若王家有軍事徵兵于采地都鄙則都司馬以書致
於士庶子有此衆庶車馬兵甲
以國灋掌其政學注政
之戒令士庶子受而依行之

謂賦稅也學修德學道音義

政音征本亦疏注釋曰云作政音下同政謂賦稅

者正謂軍之賦稅無田稅泉稅之等知學是修德
學道者此亦依國子而言故知亦是修德學道也以聽

國司馬注聽者受行其所徵為也國司馬大司馬之屬

皆是疏

注釋曰都司馬所掌皆受大司馬之灋而戒令使都之士庶子所有徵為皆取國之大司馬

之灋云大司馬之屬皆是者經國司馬不云大則小司馬軍司馬與司馬皆得稟其戒令家司馬亦

如之注大夫家臣為司馬者春秋傳曰叔孫氏之司馬

驪戾音義

驪子公反戾力計反疏注釋曰按序官云家司馬各使

大夫采地正猶聽也公司馬國司馬也卿大夫之采地王不特置司馬各自使其家臣為司馬主其地之軍賦往聽政於王之司馬其以王命來有事則曰國司馬若然是卿之小都大夫采地皆家自置司馬之明文引春秋者左氏昭二十五年叔孫氏之司馬驪戾言於其衆曰若之何莫對又曰我家臣也不敢知國彼是諸侯卿家自置司馬此王之卿大夫之家亦自置引諸侯家灋者自置是同故得引以況義也

周禮注疏卷三十三

周禮注疏卷三十三考證

廋人馬八尺以上為龍注爾雅曰駉牡驪牝玄駒褭驂

○臣宗楷按爾雅原文云駉牝驪牡與此異郭氏讀牡字絕句鄭氏檀弓注引之以牝驪牡玄為句今此牡牝互異并句法俱從釋文

河東曰兗州其浸盧維○盧監本作廬今從石經釋文作廬

正西曰雍州注詩大雅公劉曰汭沔之即○沔詩作鞠

河內曰冀州疏覃懷為縣名○此先述經文覃懷而更以懷縣名解之則為字乃懷字之訛也

又始是長子即上黨也○是疑自字之說

周禮注疏卷三十三考證